

# *JOSEFA UKATANA*

## *BAHULWANI BAHAE*

... ni linzwi lelisilezi fela kuli ni ambole nyana. Mi Ni bile ni litombo fa mumizo fa nako nyana. Mi—mi, kakusasana cwana, Ni na ni sihotolwa sesi maswe; mo ku bonahalela, nako kaufela ha Ni tahanga kwanu, fokuñwi, ona mwa musindi woo. Maabani Ne ni ambola kwa mizwale yemiñwi hane luli fahalimwa manganandila kwa New Albany, ni kutalima neku le. Se nili, “Lani kona libaka, ona fani.” Ki mbundu fela yeswelii kunela, kubonahala inge sileze se si suluhile mwa tolopo kaufela. Mi Ni sa taha fela mwa sibaka se, Ni sa zo fita felafafasi fa, ki sani mwani, mwabona, hape, Ni sa kena fela mwahali. Oh, Ni lukela kulwalanga tende ni kuta fahalimwa lilundu, kokuñwi, ni ku yo yaha musasa. Kakuli, lu bazamayi fela ni baenyi, nihakuli cwalo, nji cwani? “Lu bata Munzi o Muyahi ni Muezi wa ona ki Mulimu.” Sani kona se lu lata. Cwale luna ni babañwi . . .

<sup>2</sup> Sebelezo i si ka kalisa fela, kakusasana cwana, mi sikolo sa la Sunda si si ka kalisa kale, luna ni—ni kuneelwa kwa limbututu. Mi muzwale una ni mwana ya bata kuneela ku Mulena; muzwale yo ki munyanaka, mwa nama. Mi mwendi, babañwi ba mina bahame ni bahandate mo mu na ni mwana ya lukela kuneelwa. Cwale, linako zeñata, mwa Bibebe . . .

<sup>3</sup> Mi lubile ni kuikaba kokuñata mwa likeleke, ka bakaeñisa lituto zeshutana za kokolobeza limbututu, ni zeñwi cwalo. Mi, cwale, bona baba ba amuhela, ni kubafafaleza kuti kona ku kolobeza limbututu, foo kuitingile ka nzila ye mubata kuneela kayona. Kono, taba yateni kaufela ipahama fa nto iliñwi, kuneela ku Mulena. Mwabona? Mi cwale . . .

<sup>4</sup> Kakuli, mbututu, kuya ka sibi mo siinezi, haana ni se si kana. Jesu na shwile kuli atakule libi za lifasi. Mi mbututu ha si ka eza sibi, fela nali . . . Ki muezalibi. U pepilwe mwa sibi. Kono cwale Kreste hana shwile fa Kalvari, Na takuzi libi za lifasi, mi mbututu haana mulatu konji ha sa bile fa siyemo sa buikalabelo. Mi mbututu yomunyinyani kaufela, hakuna taba kamba bashemi ba sibi cwani, haibile fela li shwa, li ya fela mwa mazoho a Kreste, mwabona, kakuli Na lifile tifo. Hakuna taba kamba ki mbututu ya pepezwi mwa sibi, ni ka boozwa kamba seo kaufela sili sona, hakuna shutano ni yekana, mbututu yani uiketile ni Kreste kakuli Na shwile kuli atakule libi za lifasi. Mi cwale—cwale ha se lifitile cwale, kuli sibi sa butu fela, kona kuli sina ni kubaka ku ze si ezize. Kono haina sibi sa mutu konji hai hulile kueza sibi, ka kuziba se si lukile ni se si fosahalile. Kono, cwale,

kamita lu likanga kuina fela bukaufi ni Bibebe fa litaba ze, sina mo lu zibela.

<sup>5</sup> Cwale, hakuna Liñolo mwa Bibebe, za kufafaleza limbututu. Nto fela ye lu fumana . . . Kamba, hakuna kolobezo ya limbututu mwa Bibebe, mwa mufuta usili. Sibaka fela sinosi se lu kona kufumana, se si ñozwi mwa Mañolo mo, kuli Je- . . . “Ba tisa ku Jesu bana babanyinyani, mi A ba nanula mwa mazoho a Hae ni ku ba fuyola, mi ali, ‘Mutuhele bana ba banyinyani batahe ku Na, mi musike mwa ba hanisa, kakuli Mubuso wa Lihalimu ki wa baba cwalo.’”

<sup>6</sup> Cwale, sani, cwale, sina Ha ile ku Mulimu, mi uinzi kwa lizoho la bulyo, kacenu, mwa mubili wa Hae wa butu, ni fa Lubona lwa Mulimu. Mi U lumile Keleke ya Hae kuya mwa lifasi kaufela ni kuzwelapili misebezi ya Na kalile fa ha Na li fa lifasi fa, fo kikuli, kukutaza Evangelii, kufolisa bakuli, ni kuneela bana, ni zeñwi cwalo. Kabakaleo, balatiwa ba kupiwa kutisa bana ba bona ku Mulena, ka kubafa ku mulisana wa bona, mwa mazoho a hae. Mi wa ba zusa, ka tumelo, ku Kreste, ni kukupa Kreste kuli aba fuyole.

<sup>7</sup> Mi, kacwalo, haiba una ni mwana yo—yo si ka neela ku Mulena, mi mubata ku mutisa kezela luna hanza liza piano, *Mu Li Tise*, mi lwakona ku i opela. Ki babakai baba ziba pina ya kale, *Mu Ba Tise?* Mi sani ki sesinde. Cwale, Bo. mutu ni Musala Bo. Henry Branham ba ka tisa mwana bona. Mi kaufela ya na ni mwana yo atabela kutisa, kihande, amu mutise kwanu ka nako ye cwale kwa kuneela. Ku lukile.

Mu batise, mu batise,  
Mu batise kuzwa mwa sibi;  
Mu batise, mu batise, ( . . . ? . . . )

<sup>8</sup> Ni bata ku mi bonisa Branham yomuñwi yomunyinyani, Mary Ella Branham yomunyinyani. Ki mwana musizana wa muzwale waka ni musala hae ya latwa. Kuli, batile kwapili kakusasana cwana, kwa keleke, ku to fa mwanana, bupilo, kukutela ku Mulimu, Yana bu file kubona.

Cwale ha lu inamiseni litoho za luna fa nako nyana.

<sup>9</sup> Ndata luna ya musa yakwa Lihalimu, ya yemi fa fapila ka kacenu, muzwale waka luli mwa nama, ni munyaliva wa hae, musala hae. Mi U fuyozi hahulu malapa abona ni yomunyinyani yo Mary Ella, kuli a bafe tabo mwa mazazi a kwapili a bona. Ni itumela ku Wena ka kupuzo ya bona ya mwana yani kwa na zwile, ni ku litisa kacenu kwa keleke, kuli bakone ku litisa ku Wena. Mi cwale Ni fa mbututu ku Wena, mwa mazoho a tumelo, ni ku Ku kupa kuli ufuyole yomunyinyani ye Ni sweli. Mi ha pile ni kuhula. Mi haiba Jesu aliye, haibe mutanga Hao, kuli a Ku sebeleze.

<sup>10</sup> Fuyola ndatahe ni mahe. Mi, Mulimu, lumeleza kuli Moya o Kenile wa Hao uba etelele mwa musipili wa bupilo. Mi ka zazi

leliñwi, muzamayi wa lifasi yo ha ka fela, lubasi lolutuna kaufela lu kopaneñi hamoho mwa Kanya. Lumeleza cwalo, Mulena. Kufitela nako yeo, mwana ha hule mi a fuyolwe Mulimu, abe ya iketile mi ya tiile, ni kuba mutala wa busali mwa mazazi a ona kuli utahe. Mi lu ka Kufa milumbeko. Kakuli lu tisa mbututu ku Wena cwale, ka Libizo la Jesu Kreste, Mwana Hao. Amen.

<sup>11</sup> Mi Ni mifa yona. Mulimu ami fuyole. Mulena ami fuyole. Ku lukile.

Likupuzo zende, mo li utwahalela hali liteni,  
 Li lumilwe kuzwa kwahule kutaha mwa moyo  
 waka;  
 Halinze li liteni, bukaufi ni na,  
 Likupuzo zende, litala mwa pilu yaka.

<sup>12</sup> Mo lu itumelela Mulena luna yomunde ku babanyinyani kaufela! Mwa ziba, ku bonahala fela bunca mo ne lubezi bonyinyani cwalo. Mi kuna ni sesiñwi ka za mbututu ya sina buitati, ki ya swalela ni kuba ya cwalo. Neba Mulena luna na ba swanisisize, mi ali, "Kwanda kuli mucce mi mube sina alimuñwi wa banana ba," ka bunolo luli.

<sup>13</sup> Ni lemuha Joseph waka yomunyinyani, mwa lukela kubela mwa lika kaufela, mi bomaha ba ka mu sikulula fela. Mi uka tima lampi, kamba kaufela sesiliteni, kuli inate felafafasi. Mi cwale haiba bomaha ba bata ku mu bakula, kamba nto yeñwi, uka pahama mwa mazoho a hae ni ku mu kambeka mazoho cwalo.

<sup>14</sup> Luna ni kuswalelwa, ku mañi ni mañi, sina bana babanyinyani ba, kuli lukene mwa Mubuso.

<sup>15</sup> Cwale, lu itumela ku Mulimu ka mbututu yomunyinyani yo, Mary Ella Branham yomunyinyani. Mi ha pile, ni kuhula ni kufuma, ni kuba mutanga wa Mulena. Mi cwale lapa ha li hulise ka kuba lapa la Bukreste, mi ili kuli ikone kutaha ka likute la Kreste.

<sup>16</sup> Mi cwale lu . . . (Ni itumezi, Kezeli Gertie.) Mi cwale bana ba banyinyani bangile sibaka sa bona mwa muzuzu sa litopa za sikolo sa la Sunda.

<sup>17</sup> Mi mulisana u—u bulezi lizibiso za ko ku kaba lisebelezo kacenu, ni kamuso, busihu. Musihali wo, baka . . . kuya ka mo Ni zibela, hakuna lisebelezo ze kwaluhile, konji haiba ikona kuba zeñwi za tutengo nyana twa mwa Louisville, to lu twaelani ni zona, Muzwale waluna Durban ni babañata ba bona. Ni sepa bana ni sebelezo ya la Sunda musihali.

<sup>18</sup> Nina ni lipizo zeñata. Batu babañata bainzi mwa likuta, ni babañwi cwalo, ku to lapelelwa, ba bakula ni baba zielehile.

<sup>19</sup> Lisebelezo za ka ze tatama likaba kwa Cleveland, Tennessee, kukala la Bufaifi lelitatama busihu, la Bufaifi kuyo punya la Sunda.

<sup>20</sup> Mi kipeto lu taha kwa hae, ni kuya kwa South Bend, Indiana, ni ka masihu amabeli kwani ni kuneela kwa tempele; Muzwale R. E. S. Tom yazwa kwa Saskatoon, Saskatchewan.

<sup>21</sup> Mi cwale, kuzwa kwani, luya kwa Sturgis, Michigan, ka masihu amabeli a sebelezo kwa Sturgis, Michigan.

<sup>22</sup> Mi ni kuya kwa Lima, Ohio, kwa sicaba sa ba Baptist, mwa muyaho obozwa Memorial Auditorium mwa—mwa Lima, Ohio. Wani ukala ka Sope la twenty-si, kuyopunya la twenty-sebene.

<sup>23</sup> Mi cwale, kuzwa fani, lu ya kwa Likamba la Wiko ka nako yeo, kwa mikopano yemituna mwa California ni Arizona. Mube mwa litapelo ka luna. Kamuso . . .

<sup>24</sup> Busihu boo, ka sebene-seti, ikaba lisebelezo za bulumiwa mo mwa tabernakele, mi mañi ni mañi u memilwe.

<sup>25</sup> Mi kamuso busihu, Nina ni ku . . . Ni ka ambola ku Muzwale Cauble, kwa—kwa sebelezo ya hae ya busihu. Ni kaba . . . Kabelo yaka ikala ka naini, kuisa ka naini-seti.

<sup>26</sup> Mi Ni ka kutela kwa tabernakele kwanu, ko mukopano ukabe u ezahala ka nako yeo, ni balisana babatilo pota ni bakutazi baba kaba mo, kuba ni siemba mwa sebelezo ya kamuso busihu. Haiba kaufela mina mutabela ku utwa balisana ha ba bulela ni kubonisa linzila za bona za ku mi bulelela mwa ku kalela mwaha o munca, ni sa kueza, kiñi, kuzwa ka mayemo a Mañolo, kiñi, mubone kuli mwaba mo kamuso busihu. Lisebelezo li ka kalisa ka sebene-seti, sina kamita, ka sebene-seti. Mi lu ka zwelapili kufitela mwahala busihu, la Sunda busihu, mi ni . . . kamba, la Mubulo busihu, nitaluse. Mi, kasamulaho wa naini kiloko, Ni ma no feza ni Muzwale Cauble, Ni ka kuta kwanu kwa tabernakele, ku to kalisa, mi mwendi, hakulata, ni ka to feza kutazo ye Ni bata ku kalisa kakusasana cwana. Kamba, Na . . . ni wa mufuta o liyehanga nako yetelele luli.

<sup>27</sup> Ni ya bunya, mwa ziba, kono Ni tabela kuli Lifite fa mutomo o lukile. Kacwalo, hakuna tuso ya ku Li hasanyeza fela kai ni kai. Ni bata kuli Li inelele fateni fani, ni kuhula ni kuekeza ku Mulena.

<sup>28</sup> Cwale, kuna ni—ni mukutazi mo kakusasana cwana, mukutazi wa mwanana ya lukela kuba cwalo, Na sepa, mwa Bel Air Motel. Ni lukela ku mu bona ka tu kamba ka sili, musihali woo. Mi, kamba, kana uteni, nji? Sina, Ni libezi libizo la muzwale yo. U zwelela kwa Tennessee. Na folisizwe kwa mukokoto wa hae, mwa mukopano waka, ni kukena mwa bulumiwa. Muzwale yo, *fani*. Ku lukile. Zeo ki zende. Kwani ki kwa . . . Zeo ki kuzwa . . . Kana ki ka tu kamba sili, neli cwalo? Na . . . [Muzwale uli, “Sili.”—Mu.] Sili; sili kuisa ka foo. Ku lukile.

<sup>29</sup> Mi hape kuna ni mukutazi yomuñwi, Hani zibi haiba uteni kale mo kamba ha si ka fita. U zwelela kwa mutulo wa British

Columbia. Zazi leliñwi, hane Ni lika kutama mihala, kupana lipelesa, Na sepa, kamba nto yeñwi; Neni ni na ni mulelu omutelele sina *cwana*, ne ni li mwa lieto kuyo zuma; fa lilimo nyana zefitile. Muuna yomuñwi ataha mi ali, “Kana ha ki wena Muzwale Branham?”

<sup>30</sup> Ne ni katani kalibe mwa sintolo, ali na si ka bona kale musal- . . . kamba—kamba neba kubona munzi, munzi omutuna. Mi Ni sepa kuli neli limaili ze mianda yemine kamba ze ketalizoho kuzwa mwa muleneñi, mwendi kufitelela foo, mianda anda ya limaili kuzwa kwa mukwakwa o tata, mwa munzi nyana obizwa East Pines. Ni sepa kuli kuna ni sintolo silisiñwi kwani. Kwa mulaho kwani, mutu ni musala hae ne ba taha cwalo.

<sup>31</sup> Mi ba mwa musipili wa bona kuliba kwa Cuba. Ha ni zibi haiba bateni mo kakusasana cwana, eehe, kwa mutulo wa British Columbia? Kiba *fa*. Kihande, ifuyolwe pilu ya hao, muzwale. Lutable kuba ni wena ni musala hao, balumiwa, munze muzaya kafa ni kafa. Ne ba ni bizize, kakusasana cwana, kuzwa kwa—kuzwa kwa Star Motel. Mulena ami fuyole. Na ziba kuli mizwale baluna ba ka tabela kuswaliwa mwa mazoho. Mi mutu wakuli, ka siswaniso, yakona ku ni lemuha ni mulelu wani kaufela, una ni temuhop yende. Yende luli.

<sup>32</sup> Mi nebali ba mayemo amande luli, nzila yekambama yani ko ku sina batu, mane, kwa neku la East Pines lani. Mi ku kaba cwalo, ku kaba tata kubulela kwa sicaba nyana kwani mwa sibaka sani, kono, ibo, nebali kwahalimu kwani sina bahasanyi ba linzwi, inge balika kueza nto yeñwi kwa kanya ya Mulimu. Na itumela kuli ka bona ka piluy yaka kaufela. Ni ziba kuli mina kaufela mutabela kubaswala mwa mazoho ni kuutwa ka za naha yetuna yakwa wiko wa mutulo. Mi, cwale, mi kanti . . .

<sup>33</sup> Ni lumela kuli bo Mahe. Roberson ba kula maswe maswe. Ni lukela ku mu bona musihali wo, mi muhupule ku mu lapelela kwateni. Zeo likaba . . . Mi he, haiba Mulena alata, Ni ka kuta kwamu hape ka sebene-seti busihu kacenu. Ni sepa kuli baha McSpaddin bateni kwa mulaho kwani, kakuli lu ka ba ni mulalelo ni bona mwendi ka sikisi kiloko, ni ku lufa nako ya kukuta.

<sup>34</sup> Mi cwale lubata ku potela musala Bo. Burns. Kana Muzwale Burns uteni, kakusasana cwana nji? Kana uteni nji? Eeni. Ne ni si ka kubona, Muzwale Burns, uinzi. Kezeli Burns ukulile hahulu, wa kula luli.

<sup>35</sup> Mi Ne nili kwani manzibwana amañwi, ku yo mu bona, mi wa kula luli. Mi ki moyo o bundume luli ka mwabezi. Mi lubata kuli mutu ni mutu abe yaswalelela ku Mulimu, kakuli, kulizibahalisa ka mukwa wo, ka ku sa ziba ya na kaba mo; kono si ka lwala makazo ya Mulimu kutisa Kezeli Burns kuba mwa keleke hape. Yeo kona niti.

<sup>36</sup> Mi, muuna hae ya lateha kona a sa zwa fela kwa sipatela kwani, sesibizwa Veteran's Hospital, ni kansa, anyaziwa kuisa kwa kushwa, mi Mulimu amu folisa. Mi ki yo fa, kwa mulaho mwa keleke, mi ka buiketo luli hape mo ku kona ku kulubelwa mwa nako ye cwana. Mi cwale Mulena hana mu folisize kwa lubete lone lu luluhile, bakeñisa kansa kulona, nto yeswana, myaha ni myaha kwa mulaho.

<sup>37</sup> Mi Na hupula nako luli, foo Muzwale Wood inge ainzi fani. Ne nili mwa pumulo nyana. Neluli mwa mushitu, inge lu zuma tumale, mi Sesiñwi sali ku na, "Zamaya kwa ndu." Na ya kwa ndu. Mi libaka lene Ni yezi kwa Louisville, Ne ni si ka li ziba. Mi Muzwale Wood, na hulezi mwa Louisville, inza taha ni simbayambaya sa hae, kukuta, kafa ni kafa, ni kafa, kulika ku to ni shimba. Mi Mulimu na ni sweli mwa lilulu, inge ni libeleta Kezeli Burns kuli ato ni bulelela. Mi neli yena, musali ya sepahala yani, ya na ti lo ni bulelela kuli muuna hae na shwa mwa sipatela, ha ne luile kwani lwa yo mu lapelela.

<sup>38</sup> Mi ki ha shetumuka, ni kunga siswaniso sani, seo Mulena na swanisize siswaniso sa Hae, sona Siita sa Mulilo... Kaufela mina mu si boni, Na sepa. A si beyafafasi fa bulilo. Mi ki hali, "Mulimu Yomunde wa Lihalimu," ki hali, "ni tuse kuli ni fumane Muzwale Branham nako yeñwi. Ni lukela kueza cwalo." Mi musali ali, "Lingelo la Mulimu, ni zamaise ku yena." Sani kona se si tokwahala. Mi ki ha nanuha, ni kuya kwa tolopo, ku yo lifa mitelo ya mezi ni malaiti, mane ayo fitiswa kwa makozwana kusili. Mi Mulimu ani luma kuzwa mwa mushitu, kuya kwa Louisville, ni ku ni swala mwa lilulu fa licika la hola, inge ni talimela Muzwale Wood ha sikulula lilulu lisli ka nako kaufela kulo kwani, inza lika ku ni shimba nali cwalo. Mwabona?

<sup>39</sup> Cwale, lu ziba kuli Mulimu u ziba ko ku lobezi mwana Hae wa musizana kwani, mi Ukona ku kulubela kuli mulapele tapelo ya tumelo. Lu ka eza kaufela zelukona.

<sup>40</sup> Nto yeñwi ye lu bata kubulela kakusasana cwana, isi fela ka litoho ze inami, kono ni lipilu, ku alimuñwi wa baana baba ishuwile hahulu bao Ni... alimuñwi wa bona, bao Ni kile na katana fateni mwa bupilo bwaka, ki yena Muzwale waluna Higginbotham. Yena... Kezela luna ya latwa u ile ku yo ba ni Mulena Jesu. Musole ya sepahala wa Mulimu; ki linako zekai ze Ni mu boni ha taha kwa katala! Takazo ya hae, kamita, neli kuba mwa mukoloko wa tapelo woo, koo Moya o Kenile ukona ku mu bulelela butata bwa hae. Na tabela kueza cwalo. Mi ki linako zekai za zamaile fa katala fa, kulika kufumana haiba temuho yakona—yakona kutaha. Mi mwa mikopano yeñwi ni libaka ze shutana u likile, kono fela ne li sa tahi, ka manzwi amañwi.

<sup>41</sup> Mi cwale, lisunda nyana kwa mulaho, hane ni kena mwa sipatela kwani, ha Ni utwa kuli na kula, mi ne se li likezi mwa manzibwana. Mi ha Ni kena mwa sipatela ni kuina bukaufi ni

yena, mwani Moya o Kenile wa tahafafasi; ni kukutela mwa bupilo ni kutisa lika kaufela, ku libeya hande fo ne kuna ni butata. Kono, taba yenca neli kuli, Kezeli Higginbotham na sa lakazi kuinelela fa nako yetelele. Na bata kuzwelapili ona cwalo. Nekuna ni Sesiñwi sene si mu bisa. A alaba pizo yani zazi leliñwi kuli ayo ba ni Mulimu. Mi kamita Ni kana ni hupula cwalo. Eehe. [Hakuna manzwi fa tepu—Mu.]

<sup>42</sup> Ki kabakaleo muikutwa bumaswe ha mutaha mwa tolopo; ye hanile Evangel. Kona sesili butata. Mi tolopo yecwalo i yongile. Muunda wa silimo sa '37 hauna kuba sika, taba ye ifelile. Kono, ehe, ku felile, kiniti. Mi leo kona libaka muñolo ha u li fa limota.

<sup>43</sup> Mi, cwale, kinto yemaswe. Mi luna ni sibaka, libyana zeliteni kwanu, kono Ne ni utwile zazi leliñwi kuli babañwi ba mizwale yaluba bana ni tikiti ya kubulukela limota neba kwa sibaka sakwateni. Ha ki maswabiswa ni ao! Ni ka lifa tikiti yeo haiba mu ka ni lumeleza fela kuziba kuli kinto mañi. Ki makeke ni ao. Eeni, sha. Kihande, luna, se, Ni sepa kuli haiba... Ni nahana kuli lu sa na ni sibaka sani. Mbwesa, mapepa abulela ona cwalo. Mu lomonele neku le kwanu, mi mwendi hamuna kuba ni tikiti ya kuba kafani. Kono Ni tabile kuli lu libile kwa sibaka ko ba si ke lu amuha tikiti yaluna. Mina bo? Yeo ki niti. Kihande. Eeni, luli. Cwale, Ha ni...

<sup>44</sup> Ni ka lika fela kuambola fa nako nyana, kakusasana cwana, kakuli Na opa mwa toho, ni sihotolwa. Mi—mi Ni bata kunga tuto kuzwa mwa Testamente ya Kale, ni kuluta fela nako yelikani, haiba Mulena alata. Mi cwale mwendi, busihu kacenu, haiba ni ka kuta, Mulena halata, lu ka kuta ka nako, mi ni si ka katala hahulu.

<sup>45</sup> Oh, Ni nahani fela, nina. Muzwale Kelly yainzi fa, ni Kezeli Kelly, una ni kutaha kwanu, kwa... Mutuhe kapili mo mu konela, kasamulaho wa mulalelo, kakuli Ni patehile luli musihali cwana, ni lika zeñata, Muzwale Kelly. Na hupula busihu bobuñwi, ona kwani, Ne ni fundukile pizo yamina ha itaha. Ku lukile. [Kezeli uli, "Kana wakona kutaha, Muzwale Branham?"—Mu.] Cwale, zeo—zeo li lukile, kezeli.

<sup>46</sup> Cwale, he, mu ni lapelele, ni kulapelela... buiketelo bwaka, bwa Mulena, ibe—ibe ku Yena, ka zende ze Ni kona.

<sup>47</sup> Cwale, lu bata kuapula mwa Buka ya kale, ya kale, ya mafelelezo... Buka yapili, Genese 35, mi lu lakaza kubala fela siembia nyana sa Mañolo mo kuzwa mwa Buka ya Genese. Mi lu lapelea kuli Mulimu akeze limbuyoti za Hae ka kutala sina makalelo a sika se lu bata kuluta fateni.

<sup>48</sup> Mi ki babakai baba lata sikolo sa la Sunda? Oh, sani ki... Ki babakai baba ziba kone li kalezi lwapili? Ha ni boni lizoho. Ki mufuta wa... Ki babakai baba ziba seo mo ne si bizezwa pili? Ukai musala ka? U lukela kuziba cwalo. Ku lukile. Neli cwalo...

<sup>49</sup> [Muzwale Neville uli, “Muzwale Branham?”—Mu.] Eehe? [“Bulumiwa-... Mulumiwa yomuñwi mo kakusasana cwana.”] Mulumiwa yomuñwi. Mulimu aku fuyole. [“Muzwale Naber.”] Muzwale mañi? [“Muzwale Naber.”] Muzwale Naber, uinezi kai? Aku nanule lizoho la hao, Muzwale Naber? Mulimu aku fuyole, muzwale. Kana yo ki musala hao yainzi ni wena? Yeo kinto yende luli. Lu tabile kuba ni wena ni lubasi lwa hao hamoho ni luna kakusasana cwana. U ziba kuli u mwa tato ya Mulimu. Mwabona? U lukela kuba cwalo, ha u li mulumiwa, mwa bona. Kakuli, litaelo ze zibahala ki za kuli, “Muye mwa lifasi kaufela mi mukutaze Evangeli kwa libupiwa kaufela.”

<sup>50</sup> Muuna yali mukutazi! Cwale, Hanina—Hanina taba hahulu... *Mulumiwa* ki linzwi lelinde luli, kono Ni na ni linzwi lelinde ka lona. U muapositola. Mwabona? Yeo ki niti. Cwale, kana linzwi lelili *muapositola* litalusa sikamañi? “Ya lumilwe.” Kana linzwi la kuli *mulumiwa* litalusa sikamañi? “Ya lumilwe.” Ki nto yeswana. Kacwalo, balumiwa, bapolofita, babuleli, baluti, ni balisana, ba babupa Kelele. Kana ku cwalo? Baapositola, bapolofita... mo ba bizeza. Kacwalo, haibile fela u mulumiwa, kamba muapositola, u lumilwe ki Mulimu, kwa tumo, mi kamita u ya lukile. Mulimu ami fuyole, kona tapelo yaka—yaka.

<sup>51</sup> Muzwale ni Kezeli Foss ba mwa nzila ya bona kuliba kwa Cuba, kwa masimu. Kuya kwa libaka zekangezi za kwa mutulo, ku yo punya kwa matakanyani a mishitu ya kwa mboela, kakuli Evangeli ye iswanezi ku kutazwa kwa lifasi kaufela. Amen. Ha ki cincheho ni yeo!

<sup>52</sup> U zwelela kai, muzwale? [Muzwale uli, “Lu ya kwa Israel cwale, muzwale.”—Mu.] Baya kwa Israel.

<sup>53</sup> Oh, Ni tabela... Nibona Mabel yainezi kwa mulaho kwani, Ni ka biza musala ka ni Mabel, kuli ba to mi opeleta:

Ba zwa kwa Upa ni kwa Wiko,  
Bazwa kwa manaha a kwa hule hule,  
Ku to ca ni Mulena, kuca sina baenyi ba Hae;  
Ba fuyozwi cwani batu ba!  
Ba buha pata ya Hae ye kutekeha,  
Ye benya ka Liseli la Bumulimu;  
Ba fuyozwi baci ba muhau wa Hae,  
Sina macwe abenya mwa mushukwe wa Hae.

<sup>54</sup> Kana hakuna ku yo ba bunde ka lizazi lani! Amen. Mulena ami fuyole, kwa Isirael; ni mina, kwa sibaka se mu ya; kona limbuyoti zaka ku mina mizwale kakusasana cwana. Amen.

<sup>55</sup> Cwale, lu si ka apula kale Bibele... Lu ziba kuli ye ki palo, mi Mulimu una ni taba yeñozwi mwahala mibamba, mwa bona. Kacwalo, lukona fela kubala palo ni kulumeleza Mulimu kulufa taba yateni. Kacwalo ha lu inamiseñi litoho za luna fa nako nyana, kwa tapelo.

<sup>56</sup> Ndata luna yakwa Lihalimu, ka Libizo la Mulena Jesu, lu lapela kuli U nge Manzwi e lu ka bala cwale, ni ku a abela mwa lipilu zaluna. Mi lu taheñi ka bunolo, ka kukuza, ka buikokobezo, ka likute, fa Pila Hao. Mi cwale Moya o Kenile ange Linzwi la Mulimu ni kufepa pilu kaufela. Beya mwateni yaka cwalo, Wena uka eza cwalo, Mulena? Kakuli Ni kupa cwalo ka Libizo la Kreste. Amen.

<sup>57</sup> Ku lukile, lu ka bala fela timana iliñwi kamba zepeli, fa, ili kuli lukone kuba ni makalelo nyana. Genese ki kauhanyo ya peu, lwa ziba. Ku lukile. Lu ka kalela fa timana ya 15.

*Mi mutu amu fumana, . . . inza izamaela mwa naheñi:  
mi mutu yo a mu buza, ali, U batañi?*

*Mi ki hali, Ni bata mizwale yaka: ni bulelele, Na ku  
lapela, . . . ba fepela mutapi wa bona.*

*Mi muuna—muuna yani ali, Ba zwile mwa nako yeo;  
kakuli Ni ba utwile ha ba bulela kuli, Ha lu yenyi kwa  
Dotani. Mi Josefa aya kasamulaho wa mizwale ya habo  
yena, mi aba fumana mwa Dotani.*

*Mi ba mu bona asali kwahule, mi a si ka sutelela kale,  
ba mu lela ku mu . . . bulaya.*

*Mi ba zibisana ba li, A mu bone, muña litolo ki yani  
wa taha.*

<sup>58</sup> Mi cwale Mulena a lumeleze limbuyoti za Hae kwa Linzwi la Hae. Cwale, Genese kamita, ku na . . .

<sup>59</sup> Kana Ni mi bulelezi kuli neli kauhanyo mañi yani? Ki Genese. Na lumela, haiba Ni bona, Genese 37, ni kukalela fa timana ya 15, ni mina mu i ñole. Cwale luna . . . Ni lumela kuli Ni bulezi 35, fa nako nyana yefitile. Ni bile ni makepe amabeli hamoho. Mu—Mu ni swalele. Bibebe yenyinyani ya Scofield ye, mi i mabote kuli ni bale, kakuli Ni fitelezi mashumi amane, mwa ziba. Mi mawi . . .

<sup>60</sup> Ba ni bulelela kuli Ni lukela kuba ni magilasi a kubalisa. Ne ni ilo itatubisa meto, ne Ni fitile fakuli ne Ni kashezanga Bibebe yaka kwahule. Mi dokota ani bulelela kuli lizoho laka halina kuba le litelele hahulu, kasamulaho nyana, kuli ni ikutise. Mi Na fita fa . . . Ali Ni tokwa magilasi a kubalisa. Na tatuba meto aka, mi a likiwa ka swanelo, lishumi-lishumi. Kono Ne ni bona mulili inge u wezifafasi, fokuñwi fani, ka bunolo fela. Kono mu ni beye bukaufi . . . Mi ali, “Ha mu ka fita . . .” Ali, “Ki sikamañi se si fetula milili ya hao kuba limbi?”

Se nili, “Ha ni zibi.”

<sup>61</sup> Ki hali, “Ki kusupala.” Ha-ha-ha! Ki hali, “Sani kona se si fosahala ni meto a mutu ha u fitelela mashumi amane. Wena, kaniti, bikoto bya meeto bya lapalala. Mi una ni fela ku—ku itiisa ni zona, ku felile.” Mi Ni sweli fela ku li fitelela. Mi, kihande, Hanina nako ya kuya, kono Ni—Ni ka ba cwalo zazi

leliñwi, ni kuba ni—ni palo ya kubala, ha Ni ka luta nako yetelele. Kono cwale Ni balile fela palo ni kuzwelapili. Mi ye ki... Ni bile ni Bibebe ye lilimo zeñata kwa mulaho, mi ki yende luli, yekima luli.

<sup>62</sup> Cwale, mwa Genese, *Genese* italusa “makalelo,” kauhanyo ya peu. Mi muhupule, kuli, lika kaufela ze liteni kacenu, kaniti ne li kalezi mwa Genese. Neli makalelo a lika kaufela. Neli makalelo a—a piliso. Ne li makalelo a sibi. Ne li makalelo a milapeло kaufela. Neli makalelo a Keleke ya niti. Ne li makalelo a keleke ya buhata. Ne li makalelo a kuluka. Neli makalelo a bupumi. Neli ona makalelo a lika kaufela, ze ne kalezi mwa Genese.

<sup>63</sup> Ni lakaza kuli kambe luna ni fela likweli zetalu fa taba ye, kuli luine fela fa tuto iliñwi ye, ni ku i kata, ku litamahanya ka Moya o Kenile, ka mihala ya Mulimu, ni ku litateza fela hamoho. Mi mutualime Linzwi kaufela mo li tamahanelia hande ni Manzwi amañwi. Ki nto yende luli!

<sup>64</sup> Linzwi la Mulimu li susumelizwe hahulu! Hakuna taba kamba ki lusika mañi, ki nako mañi, mutu kaufela yakile abala Palo ye, mwahala... Li se liñozwi cwale ka mianda anda, eehe yemiñata, bukaufi ni myaha ye likiti zetalu, kufiteleta, myaha. Mi mutu kaufela yakile abala Palo ye, mwa lusika kaufela, u susumelizwe ka Yona, mwabona, timana kaufela ya Mañolo. Hakuna sika se si kona kunga sibaka sa Lona.

<sup>65</sup> Muñolo ono ñozwi kale mwa lizazi lisili, ha u baliwa mwa lusika lwani ni mulelo wateni, kuba ona cwalo. Na kona ku mi ñolela liñolo, ni kubulela kuli, “Muzwale waka yalatwa yomunde, kacenu Ni bile kwa sibaka sesiñwi ni kueza sa kuliní-kuli, ka nako.” Seo sitaha hande ku wena, mi iba mafelelezo. Mwendi ka bupaki bwa likute kamba nto yeñwi, ikona kutaha ka kuba bupaki bo bu ni lwanisa kamba ku ni yemela, ku ni bonisa nto yeñwi, kamba ku ni bonisa nto yeñwi ye ni lwanisa, kono haikoni kuba liñusa le li namile fela hande inge mo likona kubela ha li filwe ku wena.

<sup>66</sup> Kono Bibebe ha i cwalo. I filwe kwa lusika lwa batu, ni kwa linako kaufela ni kwa masika kaufela, kakuli Ki Linzwi leli ñozwi la Mulimu. Mwabona? Manzwi a Hae hakoni kupalelwa. Haana kushwa, mi haibile fela kuna ni Kuyakuile, kamita ni mita, ze li ka ba ni litaluso zeswana, kakuli Azwile mwa milomo ya Mulimu hañwi. Mwabona? Halikoni kupalelwa! Munahane fela ka seo, ka mo Linzwi la Mulimu libezi la Kuyakuile. Ki Bupilo.

<sup>67</sup> Cwale, linzwi ki sikamañi? Linzwi ki muhupulo o bonahalisizwe. Mi cwale Mulimu ha sa nahana sika, ki muhupulo fela. Kono cwale ha se u bulezwi, ha ukoni kushimbuluka kamba kucinca. Una ni kusiyala ona cwalo kuyakuile.

<sup>68</sup> Kakuli, linzwi la hao liswana fela sina wena mo uinezi. Linzwi la Mulimu liswana fela sina Mwa inezi. Linzwi la hao ki siemba sa hao. Sepiso ya hao ki yende fela mo kona kubela. Mi sepiso ya Mulimu ki yende fela sina Mwa kona kubela.

<sup>69</sup> Cwale, kakuba mutu wa nama, wakona kufa sepiso ni ku i lyanganisa, kakuli u mutu wa nama fela. Na ni mutu fela ya shwa. Kono, Mulimu, kakuba ya sa shwi, ni ya sa feli, ni ya mata kaufela, ya fumaneha kai ni kai, A bulela manzwi amañwi, mi U ziba mafelelezo kuzwa kwa makalelo, mi Wa kona ku a buluka.

<sup>70</sup> Abrahama na biza lika ze ne siyo, inge kuli liteni, kakuli na kolwa hande kuli, sana sepi size Mulimu, Mulimu na kona ku si peta, kakuli Na si ke afa sepiso konji haiba Na ziba se ne si ka ezahala.

<sup>71</sup> Mwabona mo lukona ku itinga fa Linzwi la Hae kanti? Hakuna taba kamba moyo ufuka cwani, ki sikamañi se si shutana ku Lona, ki kutiyela hande fa Linzwi. Mulimu na Li bulezi, Ki mañi ya boni siemba sesiñwi sa liñungwa. Mwabona? Kacwalo, haiba wa kula, isa fela moyo wa hao mwa Lihaha la Pumulo. Haiba wa ikalelwa ni ñalelwa, muhupule, Na ize, “Ni kaba ni mina kamita, mane kuisa kwa mafelelezo a lifasi.” Mi Yena... Na ize, “Lika kaufela libeleka hamoho kwa bunde ku baba lata Mulena,” kacwalo muine fela ona foo.

<sup>72</sup> Muuna yomuñwi na ñozi, muloki yana ñozi kuli, “Mayendameno aka a sweli mwahala lisila.” Lisila ki sikamañi? Ki sika se si tibela kuzwa fa kuya Kwani. Mi ankora isweli mwahala lisila. Ha u boni mo ku ka bela, kono uziba kuli kuna ni sesiñwi se si ku sweli, se si sweli Fani.

<sup>73</sup> Mi cwale liwate ha li fukiswa ni liñungwa, kana mukile mwa... Ni sepa kuli mwendi babañwi ba mina ha muna litohonolo la kubona sisepe se si sweli hande. Oh, mawi! Ni li pahamile ha ba nepela kwabuse bwa mawate ankora ye *cwalo*, kufitela sipahameloa kufita neba fahalimwa—fahalimwa lindinda. Ne li fita fela mwa lindinda. Kono haibile fela ankora ne isweli, kona fela ze eza shutano yeswanela.

<sup>74</sup> Kamba lwa fita fahalimwa lona, mwataswa lona, ku lipotoloha, kamba kulipunya, halina taba; ankora isweli hande. Cwalo kona mwa kubela mañungwa a bupilo a kala lu nyunga. Lwakona kufita mwateni, lwakona kufita fahalimu, mwataswa, kupotoloha, kono wena tuhela fela kuli ankora iswale mwahala lisila, ko ku sa bonahali. Ha lu zibi fela fo i inzi, kono i sweli.

<sup>75</sup> Kuswana fela sina mushimani yomunyinyani, mwa ziba, yana nani kaiti. Mu utwile nguli ya kale, likande leo. Ali, “U ziba cwani kuli una ni kaiti kwa mafelelezo kafani?”

Ali, “Ni ikutwa kuli isweli ya hoha.”

<sup>76</sup> Kacwalo, kona cwalo. Haiba lukona ku utwa inge isa hoha, Mulimu utalimana ni lipilu za luna, konakuli lu ziba kuli ankora ya luna isa sweli.

<sup>77</sup> Ni lumela kuli neli Benjamin Franklin ya na sweli mamonyi mwa botela, ya na tamile mamonyi, malaiti. Sesiñwi mwahali ku yena sa biza, mi sali, "Kuna ni mata mwahali mwani. Mata ani akona ku swalifa." Mi haiba ina ni mata cwalo, ku kunupa mwa mikwakwa ni kupancaka kwa likota, ku wisezafafasi, na ka eza sikamañi haiba nako yeñwi na ka swalifa? Na ka laita, ni kumonyeha, ni kunata fa lifasi kaufela. Mi Benjamine Franklin, Na lumela, inza hoha kaiti ya hae, ni sinotolo se si tamilwe kwa mafelelezo a muhata wa yona, ni botela kwatasi. Mi ha yo fita fateni, na sa zibi sa na nani, kono akala kuhuwa kuli, "Ni si sweli! Ni si sweli!" Na sa zibi kuli neli sikamañi; na sa zibi sa na ka eza ka sona; kono na ziba kuli nana ni sesiñwi.

Mi cwalo kona mo kuinezi ku mutu kaufela:

Sepo itemilwe fela  
 Mwa Mali a Jesu ni kuluka kwa hae;  
 Mi kaufela ze potolohile moyo waka lizwa mwa  
 nzila,  
 Kona kuli Uba sepo yaka ni maino.  
 Ku Kreste, yena Licwe, kona fo Ni yemi;  
 Maneku asili kaufela ki lishabati.

<sup>78</sup> Ya pepilwe sincia, Moya o Kenile unga sibaka sa Ona mwa pilu. Batu babanca babañwi habakoni, kamba banana, kamba mwendi bakona kuba litimbi, hakuna taba ka mo liinezi; hakuna yakona ku li tatulula, kona kuli usike wa ikutwa bumaswe kakuli ha u zibi lika. Haukoni ku li tatulula. Ha ku si kaba kale mutu yakona ku li tatulula, hakuna taba kamba u itutile cwani kamba u itutile kufita kai. Ki kunutu ya Mulimu Kasibili. Kono cwale Linzwi lani ha li kenya Bupilo mwa pilu ya hao, mi wa Bu bona, uka huwa, "Ni na ni Sona!" Ha u zibi so ka eza ka Lona; ha u zibi se Li ka eza ni wena; kono u ziba kuli kuna ni se si ezahalile, mi una ni Sona.

<sup>79</sup> Cwale, kabakaleo, fa Linzwi! Ki le linde. Cwale lu talimana kakusasana cwana, mi lu fitile fapila luna, mwatasa temuho, kuya ka mo ni nahanelia, iliñwi ya litaba ze butokwa hahulu za Testamente ya Kale. Josefa (lu ka ambola fa) *Ukatana Bahulwani Bahae*. Kwa kona kuba linzila ze mwanda ze shutana zeo Moya o Kenile ukene ku se ni ku si patulula kwa lipilu zaluna ni ngana. Kacwalo, ka ku nahana cwana, kakuba mazazi a likani kwanu, lwa kona kubulela fa nako nyana kakusasana wo, bakeñisa kuomelela fa mumizo, mi mwendi ni ku to likutela busihu kacenu hape haiba nji mulisana haana sika mwa pilu ya hae, mi mwendi ni kuzwelapili cwalo ni kufeza la Mubulo busihu, haiba ku cwalo kuli Mulimu uka li lukisa ka nzila yeo.

<sup>80</sup> Cwale, lu ziba hande ka mikwa ya Testamente ya Kale, kuli mane, "Lika za kale kaufela neli muluti," Maheberu 11, "muluti wa lika ze sa taha." Ha ki bunde ni boo, ka mo Mulimu a a boniseza!

<sup>81</sup> Mi ha lu ikutwa muluti wo, sina mo ne kuinezi, lu ziba kuli kuna ni sesiñwi kwabuse kwanu. Mi...Mulimu, mwa kutala mata kwa Hae kaufela, mwa mulelo wa Hae omutuna osa palelwi, ka kubona sika se si na ni kuezahala, Wakona ku lemusza za sona. Wa kona kueza lika kaufela kuli libeleke hamoho, nihaiba buhali bwa mutu, kuli bu Mu lumbe, ne ba yomuñwi ya ku eza bumaswe. Sina ha lu ka fita ku zona, kasamulaho nyana, haiba Mulena alata, kuli bahulwani ba Josefa mo ne ba mu ezelize ka bumaswe, mi ki Ha sikuluha, ni kunga sani ni ku si eza kuli si Mu lumbe. Kacwalo, haluna sika sa kubilaela ka sona, hakuna sika.

<sup>82</sup> Kuli mane Mulimu, ka yena mushimani yani, na bonisa kutaha kwa Mulena Jesu ka nako yapili, ni kutaha kwa Mulena Jesu ka nako ya bubeli, ni ku li beleka hande mwa bupilo bo busina se buziba ka ze ezahala. Amen. Kana seo ha si ezi fela nto yeñwi ku mina, kubona Josefa yomunyinyani? Kiñi, na sa zibi sene si ezahala, libaka lika ze kaufela hane li lukela ku ezahala. Kono neli fela Mulimu, yana beleka, ku bonisa lika, ku bonisa lika ze ne kaba teni.

<sup>83</sup> Mi mwakona kulemuha Linzwi, mo mu Li talimela fa ni ku Li bala mwa Genese, ku Li bala mwahala Buka, mu I bale kwa mafelelezo a Buka, mi Linzwi kaufela li lumelelana hande ni yomuñwi ona cwalo. Mi ne Li ñozwi ka myaha ye likiti kitifahali, ka mianda anda ka baana baba shutana. Mwabona? Kacwalo, he, mwa bona kuli kaufela ki Mulimu. Yo na sa zibi yomuñwi, kamba kuziba sene i ñozwi Buka yateni, hakuna sika ka Yona; nako yeñwi, lusika loluñwi.

<sup>84</sup> Mi lwa kona kubona, kacenu, kuli Mulimu utalimana ni za Na ezize kwa mulaho kwani. Lu ya fela cwale, lufeleta mwa silimo sesinca, kuzwa kwa muluti wa Kale. Ni kuli mane kwa simuluhu, kuli mane Mulimu, ha Na boni sibi si ka nga sibaka sa sona fa lifasi ni fa sicaba, kuli mane tukiso yetuna ne se i lyanganisizwe; isiñi ku sinya, isiñi kubupiwa sinca, kono ki kulyangana fela.

<sup>85</sup> Mwabona, Satani hakoni kubupa. Yena ukona fela kulyanganisa. Li kaufela ze mubona, li fosahalile, koo ki kuluka ko ku lyangani. Mwabona? Mubona mulauli wa kale fa mukwakwa, bao ki bapolofita fela baba lyangani. Mwabona? Mwabona sika kaufela se si maswe, mubone muuna ya pila ka ku sa sephahala kwa buitamo bwa hae ku musala hae, koo ki kuluka ko ku lyanganisizwe kuba bumaswe. Ku shutanisa cwalo, ku bona basali fa mikwakwa, baeza mo ba ezeza ni kuba ka nzila ye ba sweli, zeo ki likalibe ze lyangani.

<sup>86</sup> Ne ni fita kwa Louisville, zazi leliñwi, musala ka ni Na, mi Na bona sisupo fa lihaulo, ko ne luzwa kwa kuca, neli mwa mukwakwa wa Fifth Street. Mi ali, “Litafule za likalibe.”

<sup>87</sup> Se nili, “Haba sikaba kale ni muleki.” Batili, kalibe hakoni kukena mwahali mwani. Ha kena mwahali mwani, ha sa li kalibe ni hanyinyani. Mwabona? Kacwalo, neba sina muleki, mwatassa sisupo sani. Likalibe habayangi kwa libaka zani. Kono, mwa bona, sani kona se si kena mwani, ki likalibe ze lyangani. Mwabona? Ku lukile.

Cwale, Mulimu, kuli lika kaufela li Mu lumbe!

<sup>88</sup> Lu sweli ku nyakalala Kilisimasi, kupepwa kwa Mulena Jesu. Kanti, mane ha ki lizazi la kupepwa kwa Hae. Zazi la kupepwa kwa hae neli ka kweli ya Lungu. Kakuli, ku batile fela mwa Judea, kamba kubata kwani mwa kweli ya Ñulule, kufita mo kuinezi kwani. Kacwalo, lu lemuha cwalo. Ne mu boni siswaniso zazi leliñwi, mingomo fahalimu fani mwa litwa, ni lika ze cwalo, mwa Judea. Kana mwakona ku nahana kuli balisana ba lobezi fa lilundu ka mukwa o cwalo? Kono, ha ki lizazi. Kono foo, lizazi, ha li talusi hahulu, ki mu—mu mubonelo wa lika o lunani ku wa lizazi le li inzi fahali.

<sup>89</sup> Cwale mulemuhe. Ona fani fela Mulimu hana boni peu ya musali, ni mo ne ba lyanganiselizwe kwani ni kuluka ko ne ku fetuzwi, Mulimu nafile sepiso kuli ka musali yani ku kataha Peu ye fuyozwi. Mwa utwa kana? Ku ka ba Peu.

<sup>90</sup> Mi ona fani fela Satani amano utwa sani, yana yemi ona fani, amano li utwa fela, akena mwa kusinya Peu yani. Mi alika kueza cwalo ku Josefa. A lika mwahala masika kaufela. Mi u sa lwanisa Peu ye fuyozwi yani. Amen.

<sup>91</sup> Ni bata kuli mutine likuwani za mina za kunahana hande, fa muzuzu fela cwale. Sina, kutina kuwani ya kupiliswa, mi muteeleze ka tokomelo cwale. Ki se sika sa butokwa luli. Mi mwakona ku sa lumelelana ni sona; ku lukile. Kono, kana mulemuhile, ona fani fela . . .

<sup>92</sup> Ne se kubile kale mu—mu muhupulo, kakuli Eva na sa pilile kale ka ku sa luka mi na ezize sibi. Sani ne si zwile kai? Sani si mwa Genese. Batu kacenu balika kufumana siemba se si latehile mwahala folofolo ni mutu. Ye ki sinulo. Bibele ibulezi, kuli, “Noha ne i shemaetite musali.”

<sup>93</sup> Kacenu, mutu wakona kutisa bupilo bwa folofolo, mi folofolo ye li bukaufi hahulu ni mutu ki pombwe. Bakona ku i zubisa pipi, kupahama njinga, kutina kuwani, ku i tubula nyana. Zeo liswana fela inge “gee” ni “haw” kwa mbongolo. Ki mulumo. Haina moyo. Haikoni kunahana. Yona ikona fela kufita ka mulumo. Haina moyo. Mi baba ni siemba se si latehile, mwahali mo, se ba si ka fumana kale fateni. Mi ka myaha ye likiti ze silezi ba likile kunga kalulo iliñwi ya pombwe, mi habakoni kueza cwalo.

Habana ku kona. Kono, lu ziba kuli lu bupilo bwa lifolofolo. Lu bupilo bwa limela, kuzwa mwa mubu.

<sup>94</sup> Sina hane Ni bulela zazi leliñwi, kwa maswabi a kezela luna yomunde. Lu sishañata sa likalulo ze sikisitini za lifasi, za liseli la kozimiki, ni mafula a petroliamu, ni lika ze beilwe hamoho. Ne luli fa ka nako yani Mulimu hana bulezi ni kubulela kuli, "Ha ku be." Mibili yaluna neili cwalo. Kono, Sesiñwi, Ngana ya muñi i lu hulisize kuba mo luinezi cwale. U lu ezize ka mazoho ni mazoho, ni zeñwi cwalo, isiñi ku lu sinya, kono kuli lukone kupila kuyakuile. Sibi kona se si ezize zesinya. Mi Yena Ya lu ezize, kusina kuba ni—ni muhupulo ufi kaufela wa kuba mo, Ya lu ezize ni kutisa lika ze hamoho ni ku lu eza kuba seo luli sona cwale; kikuli Yena hakoni nji, ka kulufa tukuluho ya kuiketela kuli lu i amuhele, mi ka Linzwi leli swana lene li lu bupile, na lu sepisize kuli Uka lu zusa hape. Kana ku ka taha cwani butokwa bo kaufela hamoho, ni ma atomu, ni babañwi cwalo, mwa...ka Linzwi la Mulimu!

<sup>95</sup> Cwale, kwa simuluho, fani Mulimu ha na bulezi, mi Satani na yemi fani mi a utwa.

<sup>96</sup> Mi sicaba si lika kufumana siemba se si latehile se. Ni ka mi bulelela, ka sinulo, haiba mubata ku i amuhela. Mutu ya latehile yani, mwahala folofolo ni mutu, ki noha, asika amuhiwa kale mahutu a hae. Bibebe ibulezi kuli, "Nali yena ya butali hahulu mwahala libatana kaufela," isiñi sihahabe, "wa mwa simu kaufela." Ki yena ya na shemaeti musali, mwa bunde bwa hae, mi a itwala. Mi cwale, ka kueza cwalo, ni kubona sibi hane si taha, Mulimu a mu beya sikuto sesicwalo kufitela sayansi ika palelwa kufumana swalisan ye li mwahala noha, sina mo i zibelwa kacenu, ni mutu. Kono ki seo sibupiwa sa mina sesiwile, se si ziyelehile, sene si kopanyize bupilo bwa lifolofolo bwani kaufela. Ki fo he cwale.

<sup>97</sup> "Mulimu ulipatezi baba butali ni ba ngana, kono uka li patululela kwa limbututu zekona kuituta." Mwabona?

<sup>98</sup> Ki yani mutu wa mina ya wile, yena noha. Na tisizwe kuzwa kafoo... ali ya butali, yomutuna hahulu, yomunde hahulu, mane yaswana sina batu. Mi cwale bakeñisa bumaswe bo bwa na ezize ni Eva, A mutisa kwa sihabe, "Kuli azamaye ka mba, mazazi kaufela a bupilo bwa hae, mi liluli lilukela kuba sico sa hae." Foo kona sayansi ikona kutaha, mi kota yabona yani i wiselizwefafasi.

<sup>99</sup> Mulemuhe, cwale, musali ha sa bona fela kuli musali... ki... Cwale, na pumilwe. Na si ka tisa sibi. Na pumilwe. Na hupula kuli ne li lukile. Kono, "Adama na si ka pumiwa," kwa bulela Bibebe. Na ziba kuli ne ku fosahalile, mi nana ni kueza nto yeswana yene si ezize sibatana.

<sup>100</sup> Mi musali apepa mwana hae wa pili, ili, mane tulaba kaufela twa diabulosi netuli ku mushimani yani. Na li sibulai. Na na ni

lifufa. Na ka zwelela cwani kwa lusika lolusweu lwa Mulimu lwani? Na na ni kuzwa kwa bumaseswe. Mi amano eza fela se, kipeto yena, diabulosi, aitusisa sibelekiso sa hae.

<sup>101</sup> A pepa mwana hae wa bubeli, ya na swana ni Adama, mi mwahali mwani nekuna ni Abele. Mi, kapili fela, diabulosi alika kusinya peu ye lukile yani. Mi afetuha ni kubulaya Abele, ka kukala; ili mufuta wa Judasi ni Jesu. Na mu bulaezi fa katala; koo, Jesu, Judasi a bulaya—bulaya Jesu, a Mu beteka ka lishekele ze mashumi amalalu za silivera ni ku Mu lekisa. Ku lukile.

<sup>102</sup> Kono, mulemuhe. Ha na ezize cwalo, mi Mulimu, mufuta wa Kreste, bubeli bwa lifu ni zuho, A zusa Seta kuli ange sibaka sa hae. Mwabona? Mi diabulosi anga Seta.

<sup>103</sup> Cwale amutalime. Hamoho cwalo, ku si kaba kale sinyeho ya muunda omutuna, nekuna ni lusika lo lutelele lwa batu bene batile mwa bana ba Kaine, kuzwa mwa naha ya Nodi, mi nebali ba sayansi, baba butali, baba talifile, baana babande. Mane ne ba sikamisa lisipi. Ba yaha mandu. Ne li ba zwelopili yeipitezi. Bibebe izwelapili ni kubulela mo ne ba belekelanga ni kopa, mo ne ba belekela ka lisipi.

Kono, sikuwata sesiñwi se neli fela bayambaeli.

<sup>104</sup> Kono, likwata zepeli zeo neli za bulapeli. Kaine neli wa bulapeli. Abele neli wa bulapeli. Mi Mulimu a lala mufunda, ye neli nto yelukile. Kaine nali fela wa bulapeli sina Abele. Sibeli sa bona ne ba yaha tutala. Sibeli sa bona ne ba lumela ku Mulimu. Sibeli sa bona ne ba lapela Mulimu. Sibeli sa bona ne ba tisize limpo.

<sup>105</sup> Cwale mutualime lipeu zepeli zeo. Iliñwi, inge ilwanisa; bumaseswe bu lika kusinya Peu ye lukile. Mi alika kusinya Abele; na ezize cwalo, kono Mulimu a zusa Seta kuli ange sibaka sa hae. Na hupula kuli nasweli Jesu ona fani. Mutualime mwahala lusika, kai ni kai. Yena, sibaka kaufela sa na taha, na koma Peu yani. Ha na bulaile alimuñwi, kamba yomuñwi, a hupula kuli na isweli Yani. Mi, mafelelezo, ki—ki ha nga Joani Mukolobezi, mafelelezo a mu puma toho. Na hupula kuli nana ni Yena ka nako yani, kono afumana kuli Nali kwanu ku Jesu. A bulaya limbututu kaufela. Ni, Mushe; alika ku bulaya Mushe. Na likile ka nzila kaufela ya na ka sinya Peu yani, mi ha na bulaile Kreste fa Kalvari; kono Mulimu a Mu zusa hape, ka lizazi la bulalu, mi cwale ki Ha luma Moya o Kenile ku to biza bana ba bashimani ni basizana ku Mulimu. Mi ona peu ye maswe yani, ya bulapeli i sa nyandisa Peu ye lukile yani ni kacenu. Mwa bona nji? Balika ku sinya Mutai o lukile wa Mulimu.

<sup>106</sup> Cwale, maneku amabeli kaufela, haiba mu lemuha, ne li kalezi mwa Genese, ka bulapeli kwa maneku amabeli kaufela. Alimuñwi wa bona, wa likopano, wa buinuneki. Mi yomuñwi, ali ya ikokobelize, inza zamaya mwa Moya, ka sinulo.

<sup>107</sup> Kana Abele na ka ziba cwani kuli neli ngunyana mwa sibaka sa miselo mwa simu? Kakuli ne li patuluzwi ku yena, ka sinulo ya Bumulimu.

<sup>108</sup> Jesu na bulezi ze swana, fani Pitrosi hana Mu pakile kuba Mwana Mulimu. Na ize, "Nama ni mali ha li si ka ku patululela seo, kono Ki Ndate ya mwa Lihalimu ya ku patululezi seo. Fahalimwa licwe le . . ." Licwe, isiñi Pitrosi, isiñi Jesu, kono fa sinulo ya Bumulimu. "Ni ka yaha Keleke ya Ka, mi minyako ya lihele haina ku I koma." Mwa utwa nji? Ki sinulo ya Bumulimu.

<sup>109</sup> Cwale mutualime. Kuikataza kaufela, kwa nako, kwani, ne ba kopana pata ni pata ni ku lwana. Mutualime fani Moabi hana li fa lilundu, mi Isilaele nali mwa musindi. Mi Isilaele na kupa fela sina muzwale, mutangana ya ishuwile, kuli afite mwa naha yabona , inge aya kwa naha ya sepiro yana ba sepisize Mulimu; na kupile fela ancafazo mwa keleke ya bona, sina mo lukona kubulelela. Kufita fela mwa naha, ni kusepisa kuli mane ne ba ka lifa bucwaní bo ne li ka fula likomu. Mi ne ba zamaya mwa nzila yekambama ya mulena, ni lika ze ne ba ka eza ha ne ba fita mwa linaha, mi ne ba ka lukisa lika kaufela. Kono, muna . . .

<sup>110</sup> Cwale, Moabi, naha ya Moabi ha ki kuli ne ba sa zibi za bulapeli. Ne ba lumela ku Mulimu ya swana yo Isilaele na lumela ku yena, kakuli nebali bana ba bashimani ba musizana wa Lota; Mwana musizana wa Lota yana itwezi Lota ha na kozwi, ki ndatahe luli. Mi ba ya cwalo, mi ba . . . Kwani kona ko ne ku zwelezi ma Moabi bani.

<sup>111</sup> Mi cwale mupolofita wa bona ha taha, muluti wa bona, ya lata hahulu masheleñi, ni kuyaha tutala, ona cwalo fela tutala to tu swana to ne tu tokwahala kwanu. Ki yo fa Moabi nainzi fa, naha yetuna ya likopano, kaufela li kabisizwe ni ku bonahala hande.

<sup>112</sup> Mi fa nekuna ni Isilaele, mupikuluhi fela ya kenile ya yambaela mwa litende, kuzwa sibaka se kuya kwa sibaka sani. U li, "Mupikuluhi ya kenile"? Luli nali cwalo, haiba—haiba kona mo ba bizezwa, kacenu, mupikuluhi ya kenile.

<sup>113</sup> Hane ba silile Liwate Lelifubelu, mi Mulimu aeza makazo fapila bona, Miriame ato swala kambuli ni kukala kuliza kambuli, ni kumata mata fa likamba, kuhuwa ni kutulaka, ni kubinela mwa Moya. Mi bana ba basizana ba Isilaele ba mu latelela, inge ba tulaka, kuhuwa, kubinela mwa Moya. Mi Mushe ayema ni mazoho a hae mwa halimu, mwendi na opela mwa mushobo wa na si ka utwa kale fateni mutu, pina yana sa utwisisi mutu. A opelela ku Mulena, mwa Moya. Haiba bao ha ki bapikuluhi ba bakenile ba kacenu, Ha ni zibi kwa ku ba bata. Nebana ni lisupo ni ze komokisa ni bona.

<sup>114</sup> Cwale, haiba Mulimu fela u kuteka ba milao, mutualime fa. Moabi, kubulela ka Mañolo, neli fela ka swanelo sina Isilaele mwa na bezi. Nana ni lika kaufela za na nani Isilaele. Nana

ni li aletare ze sebene. Kona za na bata Mulimu; Isilaele nana ni li aletare ze sebene. Nana ni litabelo ze sebene ze kenile. Isilaele nana ni litabelo ze sebene. Ki yani Kaine ni Abele, hape. Mwabona? Ku lukile. Na bulaire lipoho ze sebene. Ni yena afa lipoho ze sebene. A fa litotolo ze sebene, kubulela kuli...na lumela kuli Kreste uka taha. A fa litotolo ze sebene, ki nto yeswana. Kuya fela ka mulao sina mulao mo ukona kubela!

<sup>115</sup> Kaine ayaha aletare; Abele ayaha aletare. Kaine afa sitabelo; Abele afa sitabelo. Abele na lapela; Kaine na lapela. Kono, Mulimu na pakile, na pakile kuli Abele neli keto ya Hae.

<sup>116</sup> Mulimu na pakile fa kuli Isilaele nali keto ya Hae, kakuli Isilaele nana ni za buipiteli mwa mafulo a bona. Nihaikenge, nebana ni mafosisa a bona kaufela, neba na ni Siita sa Mulilo sene si ba latelela. Nebana ni swalelo ya foliso ya Bumulimu, mi baeza foliso ya Bumulimu; noha. Nebana ni licwe le li natilwe. Nebana ni lisupo ni ze komokisa mwa mafulo.

<sup>117</sup> Mi Joani ha taha, nali ya ipitezi. Mi Jesu ha taha, neli ya ipitezi. Mi sila, kwa neku la milao, kamita ne si nyandisa ba za buipiteli.

<sup>118</sup> Mwa bona sa lika kueza kacenu? Ki nto yeswana, “Ku takula foliso ya Bumulimu! Ku takula sicaba se! Hakuna sika ku bona!” Baituti babatuna, batu babatuna! “Ku ba takula!” Muzwale, ha ki sesiñwi kono ki kota fela yani, yebenza mwa Genese, ye taha mwa Sinulo.

<sup>119</sup> Ni nga siemba saka ni bapikuluhi babakenile! . . . ? . . . Haibe sika kaufela . . . Nali kuba nibone fateni mupikuluhi ya kenile. Leo ki libizo la beile diabulosi fa Keleke ya Mulimu, kanti ha li fumanehi mane. Ha ki bapikuluhi ba bakenile. Ki bana ba bashimani ni basizana ba Mulimu, ba ba si ka utwisiseha ki lifasi.

<sup>120</sup> Cwale, Josefa na pepilwe ki ndatahe, mi a latiwa ki ndatahe, mi a toiya ki bana bahabo. Cwale mulemuhe, siswaniso se si petehile sa Mulena Jesu. Ni bata kuli mulemuhe bupilo bwa Hae mo ne bu swaniselizwe, mwa Testamente ya Kale, lika kaufela ne li swanisisa cwale. Mutualime kwa mulaho kwani mi mubone siswaniso; kuna ni muluti, mi mubone kuli za niti li cwani. Cwale mulemuhe, Josefa, kakuba mufuta wa Kreste, mufuta wa Keleke, mufuta wa Moya o Kenile. Mufuta . . . Na li mulena wa bufumu, inge fela Kreste mwa inezi, inge fela Keleke kacenu.

<sup>121</sup> Mulemuhe, hape, kuli, ha na pepilwe, ndatahe a mu lata mi a muezeza koti ya mibala yemiñata. Cwale, kuna ni fela mibala ye sebene ye petehile mwa mibala kaufela. Zeñwi kaufela li pangilwe ka mibala ye. Mi ni koti mwendi neina ni mibala ku yona, ya mibala ye sebene ye shutana, mibalabala fela yecwalo, mwa koti yana muezelize ndatahe. Haiba mu lemuha, mwendi Jakobo na si ka utwisisa zeo ka nako yani, kono sisupo sani ne si pakilwe kuli neli “Ya Sepisizwe.” Fani Mulimu hana file Nuwe

sisupo sa nambwamutalati, mibala ye sebene, neli sepiso, kamba sisupo Sa Bulikani. Mulimu na ezize bulikani kuli Na si ke ku sinya lifasi ni mezi.

<sup>122</sup> Mi buitamo bwa Mulimu ne bu ngilwe hape ku Jakobo, ku Josefa. Abrahama na ketile, mi Isaka nali ya lukile, mi Isilaele neli sishemo, mi Josefa neli kupetahala. Yani neli yona inosi fela yene na ni mibala.

<sup>123</sup> Lu bona Jesu uinzi fa Lubona, ni mibala, nambwamutalati i Mu potolohile, mwa Sinulo 1. Neli bulikani bwa Mulimu ni sicaba. Kreste... Ki se fa. Oh, mo Ni batela kuli mu si bone! Kreste ki bulikani bwa Mulimu ni sicaba sa Hae. Isiñi likopano; kono Kreste ki yena bulikani bwa Mulimu.

<sup>124</sup> Sina Josefa mwa na toeza, kona ni Kreste mwa sa toezi kacenu. Ha ba lati kubulela kuli ba toile Kreste, kono misebezi ya bona ipaka se ba eza. Ba lwanisa muzamao kaufela wa Hae; ba bulela ka likezo za Hae, misebezi ya Hae, likezo za Hae zende. Kihande, luli, luna ni Satani mwa mafulo, hape, ya sweli ku lwanisa katata. Kaniti. Mi ba ka supa kwa manzwi a Satani. Kono, Hanina taba ka sa eza Satani ku—ku lika ku lyanganisa. Linzwi la Mulimu li yemi ka kupetahala, mi sepiso ya Hae i petehile. Hanina kutabela kunga siemba ni sikhata sani.

<sup>125</sup> Mulemuhe, ki Yani fani, Bulikani. "Kreste na talimwa sina licwe la jasper ni sardius," mwa Sinulo. Lani neli licwe la fa sifuba... licwe la kupepwa, nitaluse, kuzwa ku Rubeni kutaha ku Benjamine. Yani neli ponahazo ya sardis ni jaspa, sina mo ne li bonahalela hamoho mwataswa Liseli la Mulimu, ka kueza bulikani bo bu potolohile Kreste, yena nambwamutalati. Mi i bulela sikamañi ka sikamañi? Rubeni, yomuhulu; Benjamine, wa mwanana! Kuzwa pili kuisa kwa mafelelezo, "Nali yena ya Na liteni, Ya liteni, ni Ya sa Taha; yena Mubisi, ili Mwana wa Davida. Ki yena Naleli ya Kakusasana. U zwelela kwa A kuisa Z; ki Alfa, ki Omega; Sifateho sa Mulimu kuzwa kwa makalelo a nako kuisa kwa mafelelezo a nako. Ki yani fani, bulikani bwa Mulimu ni sicaba sa Hae.

<sup>126</sup> Ni lika zeñwi ze kaufela, Josefa, Davida, bapolofita kaufela, nebali fela ponahazo. Amen. Ku bonahalisa, kuzwa kwa Peu ya niti kuzwa kwa simu ya Edeni, kufitela nako Ya taha mwa nako ya bubeli, mwa Kanya, ku amuhela sicaba sa Hae ni Keleke ya Hae. Ki zeo foo, bunde ha bu talimwa.

<sup>127</sup> Josefa, bahulwani ba hae ne ba ikumuseza yena. "Ne ba mu toile, kusina mulatu," kakuli na susumelizwe kuya ka moyo. Mwa utwa nji? Kaine na toile Abele, kusina mulatu, bakeñisa kuba ya susumelizwe. Moabi na toile Isilaele, kusina mulatu, kakuli nebana ni foliso ya Bumulimu, lisupo, ze komokisa, ni limakazo. Na mutoile, kusina mulatu, mi na sa lati ku mu tuhelela kuli a ifitele...

<sup>128</sup> [Hakuna manzwi fa tepu—Mu.]...kuli ube ni musala munyana hao. Amen. [Hakuna manzwi fa tepu.]

<sup>129</sup> Cwale, balikani baka baba lateha, Ni bata kutisa sesiñwi kwa kupuzo ya mina, mi Ni bata kuli mubeye sika seo kwatasi a likupo la mina la buketalizoho, mwa tende ya sibaka sani ye bizwa kuli pilu.

<sup>130</sup> Kwali kuba, mwa lusika lufi kaufela kamba ka nako ifi kaufela, kuli Mulimu akile a susumeza mutu, koo akile aya kwa neku la bulapeli, baba bizwa kuli sicaba sa bulapeli sa lifasi. Mane na sa zamaeleli ni likopano. Kamita, na yemi kwande inza lwanisa, ni ku lwanisa likopano za lizazi lani, ni ku lwanisa mulao wa bulapeli wa lizazi lateni. Mu ni bonise mupolofita alimuñwi, mu ni bonise nako yeñwi mwahala Bibele, kuli mutu ufi kaufela wa Mulimu akile a lumelelana ni mukwa o bizwa kuli ki muzamao wa bulapeli wa lizazi la hae. Amen.

<sup>131</sup> Neba Elia, kasamulaho wa kuyaha sikolo sa bapolofita, kiñi, fani hana ile kwani, ne ba bata kuli azamaye. Ki hali, “Ku tata hahulu fa.” Mwa bona? Akabe ni baeteleli ba bulapeli ba lizazi la hae; Elia na ikauhanyize ili yena, kwa Lilundu la Karmele.

<sup>132</sup> Mutualime Joani Mukolobezi, na ikauhanyize ili yena, mane na si ka ya kale kwa sikolo sa bona, ku yo ituta lituto za bulapeli za bona. Kono, Mulimu amu luma mwa lihalaupa, ku yo mu lukiseza musebezi.

<sup>133</sup> Sapalo sa Kaine ha si si ka kona fateni kubeya baki yabona ya za bulapeli ku muuna wa Mulimu. Halina ku kwana. Yeo ki niti. Mulemuhe, mwahala masika.

<sup>134</sup> Mi cwale Jesu ha taha, mane Na si ka buza nihaiba iliñwi ya baituti ba za bulapeli, kono aba bisa kuli, “Ki sishañata sa libili, kamba linoha mwa bucwani.”

<sup>135</sup> Kwali kuba kube balutiwa be ne ba lumelelani ni yeñwi ya likopano za bona. Nebali kwa neku la Abele.

<sup>136</sup> Mane Josefa na si ka lumelelana ni bona. Na toilwe ni kuhaniwa, ka mulelo o swana o babañwi ba bona nebali ka ona. Kakuli, Mulimu nali ni yena mwa nzila ye ipitezi, mi ni ka nzila ye shutana kufita sa Na li sona ku babañwi kaufela. Mi ba mu toyta, kusina mulatu. Kaine atoya Abele, kusina mulatu. Mizwale ne ba mutoile Josefa, kusina mulatu.

<sup>137</sup> Mi, kacenu, lifasi la likopano, hakuna taba kamba ki lelituna cwani; Na tubula kuwani yaka, ni kubulela kuli, “Ni itumela ku Mulimu ka bona.” Kono, mwa lituto zabona kaufela, likeleke zabona zetuna, lika zetuna; niteni, ku zona kaufela, Mulimu ubizanga batu ba basina sa kueza ni zona, kakuli habana ku lumelelana ni za buipiteli. Ki wo muzamao wateni, kacenu; mi ba toile muzamao wani, kusina mulatu.

<sup>138</sup> Ne ni utwile muuna yana bulela zazi leliñwi, ya na batile mali aka kwa mezi, ku to utwa muuna ya na ni susumezo, mukutazi yomutuna wa Baptist.

<sup>139</sup> Mi na sweli kuambola ka zona, kuli, ne si za Mañolo kuli mutu alapele Maria mwalyanjo. Ha ki niti ni yeo! Yeo ki niti. Na bulezi kuli nekusina Liñolo, la kulapela mutu kwanda Kreste. Yeo ki niti. Na ize, “Mulimu nali ku Kreste, mi ku Yena nekuna ni mutalelela wa toho ya Bumulimu.” Yeo ki niti.

<sup>140</sup> Mi cwale, kasamulaho wa bunde bwani kaufela, tuto yende ya Mañolo, ya potoloha ni kubulela kuli, “Kwali kuba kube makazo ye ezwa mwa lifasi.” Kakuli yena ulwanisa hahulu foliso ya Bumulimu, afetuha ni kubulela kuli, “Nekusina makazo yene ezizwe kasamulaho wa lifu la Kreste. Hakuna ya na zusize bafu, kasamulaho wa Kreste, kakuli Nali yena fela Anosi Yana bile ni Bupilo Bobusafeli.”

<sup>141</sup> Kono, Ni li ku mina, kuli Jesu Kreste, yena Mwana Mulimu, abulelela balutiwa ba Hae kuli, “Muye mu kutaze Evangelii; mufolise bakuli; mi muzuse bafu; mi mu kenisa ba mbingwa.” Sani kona sa na bulelezi Jesu balutiwa ba Hae.

<sup>142</sup> Kana batu bakona cwani kuba libofu hahulu ka za bulapeli? Ba ba fela ngana ye sisani bakeñisa miseto ya likopano ba toya mizwale ba bona, kusina mulatu. Mwa bona njí? Ki ze bunolo hahulu, ze nyinyani hahulu, ba ezanga cwalo bakeñisa muikuhumuso wa bona.

<sup>143</sup> Mukutazi yomutuna wa na ha kacenu, na buzizwe kuli kiñi hana si ka amuhela kolobezo ya Moya o Kenile, kasamulaho u tahiswa ki baana babañwi ba ba yemi ba hae, bene ba amuhezi kolobezo ya Moya o Kenile. Ki hali, “U kona kufilikanya bulumiwa bwaka.” Haiba u ni bulelela, ka nako kaufela . . .

<sup>144</sup> Wa kona ku filikanya bulumiwa bwa mutu, kono ha u na ku filikanya bulumiwa bwa Jesu Kreste bo bu na ni kungiwa. U ka tiisa bulumiwa bwa Jesu Kreste.

<sup>145</sup> Kono bona Bo. Dokota bani ba bulezla kuli hakuna mutu yakile a zuha fateni kwa bafu. Ali, “Ni ziba kuli kuna ni sikuwata sa bapikuluhi baba kenile mwa na ha kacenu, baba ipapata kuli ba boni bafu ha ba zuha. Kono,” ali, “ah! Hakuna bupaki bwa sayansi bwa lifoliso lifi kaufela kamba sika sifi kaufela.”

<sup>146</sup> Cwale, mwa bona, ki se fa, muzwale waka ni kezeli. Ni bata kuli mulemuhe taba ye ka tokomelo luli. Libaka lateni, ki le. Kacenu, baana . . .

<sup>147</sup> Mwa mazazi a Mulena Jesu, mwa mazazi a Testamente, fani batu hane ba lumela ku Mulimu, ba utwa makazo ye ezizwe, ne ba si ka lika ku ibonahalisa ka sayansi. Ne ba i amuhela. Ne ba lumela fela cwalo, kakuli ne ba ziba kuli Mulimu nali cwalo.

<sup>148</sup> Kono, kacenu, sikhwata se si sa lumeli za bulapeli si keni mwa muzamao wa bulapeli, mi ba sweli kulika kubonisa lika ka sayansi.

<sup>149</sup> Mi mutuhele ni bulele cwana, ha nze si zwelela kwa Lihalimu, Na lumela, kukena mwa pilu yaka. Ha ku si kaba nako fo likile za fumanwa. Kakuli, haiba ukona kubonisa Mulimu, konakuli Ha si ka amuhelwa kale ka tumelo; ki bupaki. Lu lumela Mulimu ni limakazo za Hae, ka tumelo. Lu biza lika ze siyo, inge kuli liteni, kakuli Mulimu ubulezi cwalo; hakuna taba kamba ki sikamañi.

<sup>150</sup> Abrahama na si ka bonisa kuli misinga ya mabisi a Sarah ne se i omile. Na sike ku libonisa kuli—kuli mipila, ni zeñwi cwalo, na ka kona kuitwala. Bona, musali nakonile... Ne ba si ka bonisa yeñwi ya seo. Ne ba si ka bonisa mwendi, ka litatubo za peu, kuli ne ba na ni mununo. Kono na li lumezi, nihakuli cwalo, ni kuhana sika kaufela sene si shutana ku lona, ni kubiza lika ze ne siyo, inge kuli liteni. Kakuli, mwahala lisila, sepo ya Mulimu ne i tiyezi fa Linzwi la Mulimu, ni kubiza lika zani, za sayansi kamba nee, “Ki nití, kakuli Mulimu ubulezi cwalo.” Ki fo he cwale.

<sup>151</sup> Lwa lumela. Ka tumelo lwa li amuhela. Kono, haiba muzwale, ha ki ku kanana ni yena, Ha ni lumeli ku zeo. Kono kambe muzwale na ka bala fela sani ka mo Paulusi na ka pobaulwa ka macwe ka lifu, mi ba bakenile ba mu yemela ni kulapela kufitela bupilo bu kutela ku yena. Kuli mane Paulusi na kutilize busihu kaufela, busihu bobuñwi, mi muuna awa kuzwa fa situwa sa fahalimu ni kuipulaya, ali fela mucaha; mi Paulusi a lobaza mubili wa hae fahalimwa hae, mi Moya wa bupilo wa kutela ku yena hape. Kuli mane Elia na zusize mbututu wa musali kasamulaho wa kushwa, nihaiba lilimo ze mianda ye ketalizoho ka yemilalu kusikaba kale Kutaha kwa Kreste. Baana, mane kusina nihaiba mbuyoti ya Moya o Kenile, kueza limakazo zeo sicaba se si saba ku lwanisa Moya o Kenile. Mawi, mawi! Ha ki makeke ni ao!

<sup>152</sup> Kiñi? Ki kuli ba ikuhumusa, mi ba toile mizwale ba bona, kusina mulatu; inge fela Josefa mwa na toezwi, kusina mulatu. Mwa bona kana? Na toilwe. Isiñi kuli na lukela kutoiwa; kakuli, kusina mulatu. Ne ba si ka mu lumela. Na pila mwa sibaka se si shutana.

<sup>153</sup> Mi Ni bulela cwana, cwale, sina nako yaluna haiya ifela. Ni bulela se ka buniti kaufela bwa lipilu. Ba toile Keleke, kacenu, yena ni za buipiteli. Ki muna. Ki muna ni lifufa, mi lifumaneha mwahala batu.

<sup>154</sup> Balutiwa nebana ni zona. Ne ba ikutwile hahulu kuswaba! Kakuli, mazazi a lishumi kwa mulaho, Mulimu na ba file mata a kufolisa bakuli, ni ku leleka mioya ye maswe, ni ku zusa bafu. Mi nebana ni mushimani wa kanono fapila bona, mi ba palelwa.

Mi Jesu, ha Na tuluka fa lilundu, ni kufolisa mushimani. Se ba Mu buza bali, "Kiñi ha lu palezwi?" Na si ka bulela kuli, "Ni—Ni kutisize Mata aka." Ki hali, "Ni kufa Mata." Ni mi bonisa kwa Na A file kwa Keleke, kono hamukoni ku ni bonisa kwa Na Azwisize mwateni. Mwabona? Ki Manzwi afi Ana nza bulela Jesu hañata? "Bakeñisa ku sa lumela kwa mina."

<sup>155</sup> Mi cwale, mazazi nyana kasamulaho, ba fumana muuna yana siyo mwa sibaka sa bukutazi. Na utwile Jesu ha bulela lika ze, mi na sweli kueza musebezi. Na leleka mioya ye maswe. Mi Pitrosi ni Joani bataha ku to mu bulela kuli neli wa sirkwata sa bona kusi cwalo na si ka eza se. "U lukela ku lu latelela ni ku utwana ni luna. Luna lu keleke, mi ulukela kueza cwalo!" Na ba tuhelezi kuli baye kwa misebezi yabona. Na nza ya aba hande kusina kuikopanya kwa likopano zabona.

<sup>156</sup> Kacwalo, inge zenyinyani, za sisali, sina mo lubdzi ni zona kacenu; banana, ba mutakafulele, milelo ya banana, ba kutela kuyena mi bali, "Lu mu fumanu, mi na leleka mioya ye maswe." Mi neli sikamañi sani? Ne ba na ni lifufa kakuli na eza sene ba sa koni kueza. Ne ba bile mwa nama. Meto abona, a kutwisiso yabona, na swana sina bana bahabo Josefa, bene ba si ka bonisezwu kale, kacwalo ba kuta ku to mu omanisa, ni ku bulela Jesu.

<sup>157</sup> Mi Jesu ali, "Amu mu tuhele." Amen. "U eza musebezi omunde. U eza se Ni mi laezi kueza, kono mina mupalezwi ku si eza." "Mulimu wakona kuzusa bana ba Abrahama kwa macwe aa."

<sup>158</sup> Kacwalo he, mizwale yaka yetatwa ni Baptist ni mizwale ba Presbyterian, kakuli u nahana kuli li na ni kutaha ka keleke ya hao, Mulimu wakona ka kuitusisa ona bapikuluhi baba kenile baa ku zuseza Abrahama macwe. Ki niti. Ukaba ni mutu ya ka eza musebezi wa Hae. Yeo ki niti. Ka bupalelwi bwa bona kaufela ni mafosisa ni zeñwi kaufela, ze ba eza, ni yena Isilaele ki mwa na ezelize nto yeswana, kono Peu ye lukile yani isweli kuya i zamaya.

<sup>159</sup> Ni tabile hahulu kuli Ni kona kubulela kuli Ni alimuñwi wa bona. Ka sishemo sa Mulimu, kacenu, lu balibañwi ba bona. Ni tabile hahulu ka zona, mina bo? Pilu yaka ya nyakalala, kwa simuluhu ya mwaha o munca wo, ka kuziba kuli Mulimu, ka sishemo sa Hae se si makaza, u beile libizo la ka mwa Buka ya Bupilo, kuli anife kutwisiso ye Ni utwana hande mwahala sicaba sa Hae baba linyambangeti. Mi, ni balutiwa, Na kona kubulela cwana, Ni ipala kuba ni litohonolo fa kulwala kunyefuliwa kwa Libizo la Hae. Eeni, sha. Ni tabile hahulu kuli Ni alimuñwi wa bona.

<sup>160</sup> Mi cwale lu kalela fa ni Josefa, fa sebelezo yetatama, zekona kuba busihu boo kamba la Mubulo busihu, bulibuñwi fateni, kakuli nako yaluna ifelile.

<sup>161</sup> Kono, Na Mu lata. Kana ha mu Mu lati? Ki yomunde. Mi Ni tabile hahulu kacenu kuli Ni kona kuikopanya mazoho ni muhala o mutelele wani wa ku ketululwa ni kuhana, ni kutoiwa ki balapeli mwa naha kaufela. Ki ba fa. Ki ba kwatasi. Yeo ki niti. Ba bulapeli, kubulela ka lifasi, kuya ka lituto, ni kubulela ka mipilelo ya batu, bainzi fahalimwa bona. Mi lu tabile fa kuba baba ikokobeza. Kakuli, baba ka ikokobeza ili bona, Mulimu uka taha zazi leliñwi mwa Kanya, ku to hulisa Keleke ya Hae. Kufitela nako yeo, “Ha lu lwaneleñi Tumelo yekile yafiwa hañwi kwa balumeli.”

Halu lapeleñi.

<sup>162</sup> Cwale ni litoho zaluna ze inami, Hani zibi fela haiba ku kaba alimuñwi kakusasana cwana, kamba babañata, Na sepa, ya si ka amuhela kale Kreste yoo, ni limbuoyoti za Hae zetuna ni mata a Hae amatuna. Mi lwa komoka, kacenu, haiba mukona kuba ni keto ya mina kacenu, ni kubulela kuli, “Mulena Jesu, ki Na. Mi Ni lakaza kuba mutanga Hao, ka pilu yaka kaufela, kuli ninge nzila hamoho ni babanyinyani baba kendilwe ba Mulena. Na bona cwale, Mulena, ha ki seo lifasi li bulela; ki seo Bibele ya Hao ibulela. Ha ki seo lifasi li ni biza. Ba ni toile, sina mo ne ba ezelize ku Josefa. Ba ni toile, sina mo ne ba ezelize ku Abele. Ba ni toile, sina mo ne ba ezelize ku Joani. Ba ni toile, sina mo ne ba ezelize ku Daniele. Ba ni toile, sina mo ne ba ezelize Ezekiele, sina Zakaria. Ba ni toile, sina mo ne ba ezelize ku Jesu. Ba ni toile, sina mo ne ba ezelize ba apositola ni bani bene ba Ku latelezi, kusina mulatu. Mulena, Na ba lapelela.”

<sup>163</sup> Kana mukile mwa amuhela kutwisiso ye cwalo, yakuli u zwile? “Mi luna lu baprisita ba silena, naha ye kenile, lufa litabelo za moyo ku Mulimu; fo kikuli, miselo ya milomo ya luna, i Mu fa milumbeko.” Kikuli wakona kuyema mwahala lifasi le li ziyelehole? Kikuli wakona kuyema fapila malena hao? Kana wakona kuyema ni kuishuwa mwa pilu ya hao, ka lilato mwa pilu ya hao, kwa baezalibi ba lifasi le, ni Bupilo bwa Kreste mwahala hao, ni kufa bupaki ni tumbo kwa kanya ya Mulimu? Haiba hauna kutwisiso yani, kiñi ha u si ka kalisa lifasi, bupilo, lika kaufela zenza, kacenu, ka kunanula lizoho la hao ku Yena, ni kubulela kuli, “Na cwale, Mulena, amuhela seo, mi ubata kuli U ni fe kolobezo ya Moya.”

<sup>164</sup> Cwale, Ndata luna yakwa Lihalimu, Keleke nyana ya kakusasana cwana iyemi, lwa ziba, i nopilwe, ya kunupiwa, sila u i lwanisize, ku kunupa masho a sona. Mi lu lapelela mioyo ya bona ya sibi, Mulena. Ha ba zibi kuli ba foufalizwe ki mulimu wa lifasi le.

<sup>165</sup> Keleke, kai ni kai, lifasi kaufela kacenu; sila, sicaba sa bulapeli, si ba kunupile ka lisho kaufela. Kono mwa buino bwa zona kaufela, ancafazo yetuna ya zwelapili. Likitikiti za ku ikokobeza, babotana, bana baba keshebiswa ba sitatala mwa

libaka ze, ni kubona lizoho la Hao la limakazo, ba talizwe ka Moya o Kenile. Mi ha ba sa li ba lifasi le. Ki bazamai ni baenyi. Habana taba kwa lifasi, kono ba bata Munzi o sa taha, oo Muyahi ni Muezi wa ona ki Mulimu. Ba boni mata a Hao a kufolisa, ku folisa bakuli, lisupo za Hao ni ze komokisa ha li ezahala mwahala sicaba sa Hao. Lik a zetuna za ceputuka, mwa misima ya libaka ko ba li kalimela ni kulika ku li kuzisa. Batanga ba hao ba kena mwateni ni kutoma ancafazo, mi ba fiyela baba ikokobelize mwa Mubuso wa Mulimu.

<sup>166</sup> Mwahala luna kakusasana cwana, lu na ni litohonolo fa kuba ni bahasanyi ba linzwi ba ba funduka kuya kwa linaha zeñwi.

<sup>167</sup> Alimuñwi, uliba kwa Israel. O Mulimu, ki sani fani. Sululela Moya wa Hao, ni yena, Mulena. Mi litaba zetuna liezahale, ni kueza kuli Majuda ba ba botana bani kuli bakute. Ha ba amuhele Moya o Kenile, sina bashemi ba bona mo ne ba ezelize kwa simuluhu.

<sup>168</sup> Ki yo fa muzwale yaya kwa Cuba, kuyo punya kwa lioli. No ize, "Kwa mafelelezo a lifasi."

<sup>169</sup> Sesiñwi sa hoha, ku hohanel a kwa lipilu za mizwale ba. Basiya malapa abona, balatiwa ba bona, banze ba sa tokomelli minyaka ni linako zende za lifasi le, kono kuzwela kwande mwa libaka zesina mununo; mwatas a munyazisezi, yalika kupaleliswa musebezi. Kono inge fela komu yene tisize kocikala kwa mulaho, ni milao ku yona, ni areka ya bulikani. Ba siya bana ba bona, inge ba huwa, mi ba ya mwa nzila, inge ba opela, banze baya kwa Licwe.

Lwa itumela ku Wena ka mukutazi kaufela.

<sup>170</sup> Lu bona kwa mulaho kwani mwa kopano ya luna, Muzwale John, kakusasana cwana, hape, uzwa mwa Germany. Kuya ka mwa huliselizwe, ali mubotana. Ya na hoholola sikocikala mwa naha kaufela, inza kutaza Evangel i. Ni itumezi ku Wena ka yena!

<sup>171</sup> Mi mitangana ba, ni bakutazi babañwi babaliteni bukaufi, ni keleke kaufela. Ha Ni kupa, Ndate, ka kulumela kuli mwatas a nako yeswana sina cwana, kuli haiba muuna kamba musali na sina Kreste mwa pilu ya hae, ne ba ka nanula mazoho a bona, kaniti, ka kubona bupaki kaufela bwa Evangel i, kuli Uya swana mi Keleke ya Hao ya swana.

<sup>172</sup> Na itumela ku Wena ka mañi ni mañi. Ni lapela kuli U ba fuyole. Mi ufolise mibili ya bona haiba ba kula, mi u alabe ku bona litakazo za lipilu za bona. Lumeleza se, Ndate, lu kupa ka Libizo la Jesu.

<sup>173</sup> Mi ni litoho za luna ze inami, ha lu nahaneñi fela fa nako nyana. Mube fela mwa tapelo, ka bunolo.

Wa pili kushwela mulelo wa Moya o Kenile wo,  
 Neli Joani Mukolobezi, kono ashwa sina mutu;  
 Mi kwa taha Mulena Jesu, ba Mu kokotela,  
 Na kutalize kuli Moya uka pilisa batu kwa sibi.

Mi kihaba pwacaula Setefani ka macwe, ya na  
 kutalize kunyaza sibi,  
 Bona, ba filikana hahulu, ba pyata toho ya hae;  
 Kono a shwela mwa Moya, a pumehelwa ki  
 moyo,  
 Mi ayo kopana ni babañwi, nyangela yefa  
 bupilo yani.

Nekuna ni Pitrosi ni Paulusi, ni Joani musinuli,  
 Ba fa bupilo bwa bona kuli Evangelie ye ibenye;  
 Ba kopanya mali abona, sina bapolofita ba  
 kale, (Yeo isali Peu, ye ne nyandisizwe.)

Kuli Linzwi la niti la Mulimu lakona ku  
 bulelwa hande.

Ne kuna ni mioyo mwatasa aletare, yelila, “Ku  
 kanga nako yekuma kai?”

Fo Mulena aka fa koto baba fosize;  
 Kono kuna ni babañata baba kafa mali a  
 bupilo bwa bona  
 Kwa Evangelie ya Moya o Kenile ye ni mali a  
 yona.

I sa lota mali, eeni, i sa lota mali,  
 Evangelie ya Moya o Kenile ye isa lota mali,  
 Mali a balutiwa ba ba shwezi Niti,  
 Evangelie ya Moya o Kenile ye isa lota mali.

<sup>174</sup> [Muzwale Branham wa ūnūnuna kuli *I Lota Mali*—Mu.]

<sup>175</sup> O Mulimu! Taha, Mulena Jesu! Lu bupe cwale halunze lu ikokobeza fapila Hao. Zwisa ku sa tokomela kwa bupilo bwa luna, kuzwa mwa lipilu za luna, hakunze kuna—kuna ni bunde bwa Moya kubonahala kuba ni meto amansu. Mulimu unga Linzwi la Hae cwale ni ku Li selaela. Lu tabile hahulu kuli U lu beile mwateni, Ndate, kuli lube balwali ba Evangelie.

<sup>176</sup> Lu lapelela kutokwa kaufela kwa keleke. Lu lapelela mulisana wa luna yomunde, O Mulimu; mutanga ya sepahala, ya sa katali, kamita uitukisize kuya. Bulela kwa pilu ya hae, kacenu, mi a zibe kuli kuna ni mupuzo omutuna o libelezi kwani kwa balisana baba sepahala bani ha ba ta kopanela kwa neku leliñwi ni baba liuluzwi kaufela.

<sup>177</sup> Fuyola balisana babañwi, ni bahasanyi ba linzwi, ni mamembala ba Mubili wa Kreste, kai ni kai. Lu swalele lifoso zaluna, Mulena.

<sup>178</sup> Mi cwale haiba kuna ni butokwi mwa lipilu zaluna, Mulena, nji Cwani, ha U sa liteni, lu fuyole? Haiba kuna ni matuku

mwahala luna, Mulena, yomuñwi cwale, yatile mwa keleke nyana kacenu, mi ha talima kwabuse mi ba bona Kalvari, babona fani fokuna ni Peu ya niti. Koo Satani na hupula kuli na ka Li sinya ka lifu, kono Mulimu a Li zusa hape. Fela hakoni kueza cwalo! Mulimu ufile sepiso, mi Mulimu upila ni sepiso ya Hae. Mi sepiso kaufela ki ya niti. U lu sepi size Bupilo Bobusafeli, mi luna ni Bona. Lwa I utwa. Kuna ni Sesiñwi ku luna, se si zamaya, se lu sa koni kutatulula. O Mulimu! Mwahala butata, lu ikutwa kuli Sesiñwi si ku tezi kwa mulaho kwani, "Ina fela ukuzize." Liñungwa lakona kunata Peu, sisepe sakona ku nyanganyisa makwati a luna amanyinyani. U ka panga nzila ye hape, mwatasi, mwahali, kamba mwahali mwani, ka nzila yeñwi. Kacwalo, lu yendamezi handende kwa Linzwi, Mulena.

<sup>179</sup> Ni lapela cwale kuli haiba yomuñwi wa kula mwa mukopano, kuli Moya wo, oli mwa muyaho ona fa cwale, u shetumuke mwa lilato lelituna, uli, "Mwana Ka, yo ki Na. Kina Ndate Ya ku bupile. Ki Na ya Na tisize li-li libyana za lifasi mubu, yana ku ezize ka mo inezi. Satani usweli kulika kukena mwa musebezi wa Ka. Nga sepiso ya Ka, mwana."

<sup>180</sup> Mi tapelo ya tumelo ye Ni fa, ni lumela kuli Utensi mo. Lumeleza mazoho a Hao, Mulena, u otolole kwa pilu kaufela, mi butuku buzwe mwa sicaba. Ni kalimela diabolosi; diabolosi wa kuhatelela, diabolosi wa sabo, diabolosi wa matukua mifuta kaufela. U bulezzi kuli, "Ka Libizo la Ka ba ka leleka mioya ye maswe." Mwa tamahano ya keleke ye, ni Moya wo kakusasana cwana, lu leleka bumaswe kaufela kwa sicaba; kuli luzwa fa, lu kenile, ka Sitabelo sa Mulena Jesu, halunze lu Si amuhela ka buikokobezo.

<sup>181</sup> Lu fuyole fapili nyana. Lu fuyole mwa lika kaufela ze lueza. Lu ye ni bakutazi ni babuleli ni bahasanyi ba linzwi, kwa libaka za bona, Mulena. Lumeleza zazi leliñwi lu ka kopana kwa—kwa mahutu a Hao. Mi lu ka lobaza lifa za luna fafasi. Mulimu, likaba ka mifuta kaufela. Ku kaba muuna wa mukuwa, mutu wa bu ñandatalukeke, mutu yomunsu. Kaufela hamoho, lu ka bulela kuli, "Mulena, ki ba fa." Ki lizazi la kunyakalala ko ku cwani mo li ka yo bela! Ha lu belekeni ha ku sana ni lizazi, busihu bwa taha fo kusina mutu yakona kubeleka. Lu kupa limbuyoti ze ka—ka Libizo la mulatiwa la Mwana Mulimu, Jesu Kreste. Amen.

Kaufela za konahala, lumela fela;  
Lumela feela, feela . . . (Ki sikamañi seo?)  
Kaufela za konahala, feela . . .

<sup>182</sup> Ki babakai bene ba tokwile, mi ne ba lumela ona fa? Mu ka nanula mazoho a mina, muli, "Cwale Na amuhela."

Cwale Na amuhela, cwale Na amuhela,  
Lika kaufela za konahala, cwale Na amuhela;  
Cwale Na amuhela, cwale Na amuhela,  
Lika kaufela za konahala, cwale Na amuhela.

<sup>183</sup> Cwale ha lu inamiseñi fela litoho za luna fa nako nyana cwale. Zwelapili fela, kezeli, fa piano, haiba wakona. Wa Mu amuhela?

<sup>184</sup> Uli, “Muzwale Branham, Ni bile ni kula fa nako nyana. Kuna ni se si bonahala inge kuli Ni palelwa kukoma. Ni lapelezwi, ki mutu anosi.”

<sup>185</sup> Zeo ki zende, muzwale, kezeli, kono kana ukile wa nahana fateni seo sili sona? Ki yona sepiso nyana yani ye filwe ku wena. “Lika kaufela za konahala ku ya lumela.”

<sup>186</sup> Kikuli hauna ku kasheza zeo fa Kalvari kakusasana cwana? Swala fela kwa mafelelezo ateni kwanu, Moya o kufile zona. Mu li kenyé fela fa Kalvari, mi muli, “Ki yeo ankora yaka isweli hande. Cwale Na amuhela, ona fa cwale. Li felile kaufela, ona fa cwale. Hakuna taba ka se si ezahala, ona fa cwale ankora yaka isweli hande mwahala lisila, mi Ni amuhela se Ni kupa. Ni ziba kuli Ni na ni sona. Linzwi la Mulimu libulezi ona cwalo. Mi, Mulimu, Ni talimela ku Wena cwale.” Mwendi ubile ni lipilaelo, matata a masheleñi, seo kaufela sili sona. Hakuna taba kamba ki sikamañi, a ku si kenyé ona fani fa Kalvari.

Kakuli lika kaufela—kaufela za konahala,  
lumela fela.

<sup>187</sup> Mutuhele fela kuli likene mwahali, hamunati luli. Kana ha ki nto yende njí? Ye ki nako yaka ya sebelezo. Linzwi li cezwi, mwa bona, cwale Mulimu usweli wa Li selaela. Kikuli ha mu ikutwi fela ku-... ona kubatelwa koo, kuncaafala ko kuzwelela Fapila Mulimu, kunze kutaha felafafasi, kusuluhela mezi Fateni, uli, “Cwale, fa, mwana, Ni—Ni taha ni Linzwi la Ka. Na kuteka Linzwi la Ka. Na Li tokomela, musihali ni busihu, mi Ni sweli ku Li selaela cwale mwa pilu ya hao. Kikuli ha una ku Ni nga ni ku Ni lumela?”

Kakuli lika kaufela (Sikamañi?) za konahala,  
lumela fela.

<sup>188</sup> Mawi! Ha ki bunde ni boo! Ha ki bunde ni boo, ka kunwela fela mwahali, ka kuutwa mezi asweli kutaha fahalimwa Lipeu! Ki sikamañi seo? Peu ye lukile, I cezwi mwa pilu ya hao. Ki Linzwi la Mulimu. Yani kona Peu. Wani kona Moya o Kenile. Peu yeo Mulimu na sepisize kwa simuluhu. Mu Peu ya Abrahama, ka kushwa ku Kreste, ni ku amuhela Peu ya Abrahama ni bo muca sanda kuya ka sepiso. Moya o Kenile uzwa mwa Peu ya Abrahama, ye mi eza kuba bana ba bashimani ni basizana ba Mulimu.

<sup>189</sup> Cwale, wani ki Moya o Kenile osweli kuselaela ka sepiso yani yo no ngile nako nyana yefitile, kwa foliso ya hao, kwa kupiliswa kwa hao, kwa muzamao o munde, kuli sabo i ku siye, kwa lika kaufela zo tokwa; mwa musipili wani kuya kwa lioli, mwa musipili wani kuya kwa naha ya ba ha Israel; kwa keleke ya henu, kwa sibaka sa hao, kaufela ko ifumaneha, kwa ndu ya hao.

Wani kona Moya o Kenile o bulela kuli, "Yani ki Na. Ni inzi ni wena. Muzwelepili cwalo. Ni zamaisa nzila. Wena, aku zwelepili fela ku zamaya. Yani ki Na."

Kuna ni Linosi mwa Licwe za hao;  
S iya libi za hao kuli Mali a kwahele fateni,  
Kuna ni Linosi mwa Licwe za hao.

Ha lu yemeñi.

Oh, amuzwele mwa mikwakwa ni mwa  
manganandila,  
Kutaza Linzwi...(Una ni se mubata  
kubulela?)

Bulela ku muzwale kaufela ya wile,  
Kuna ni Linosi mwa Licwe za mina.

Oh, kuna ni Linosi mwa Licwe, muzwale waka.  
Kuna ni Linosi mwa Licwe za hao;  
Siyi libi za hao kuli Mali a kwahele fateni,  
Kuna ni Linosi mwa Licwe za hao.

<sup>190</sup> Cwale, talima, hamu tabeli kuli muzwe pili. Ni bata kuli mubone mutu ya yemi bukaufi ni wena, mu swale mwa lizoho, muli, "Mulimu aku fuyole, muzwale," kamba kezeli, yo kaufela ali yena. Mu sikuluhe fela. Ye ki tabernakele yenyinyani ya likopano. Lu mwa musipili wa luna fela, sicaba se si ipitezi. Ku lukile.

Unge Libizo la Jesu,  
Mwana wa manyando ni bumai;  
Li ka kufa tabo ni nyakalalo,  
U Linge kaufela ko uya.

Libizo Lelinde, (Libizo lelinde!) O kwa  
munati! (O kwa munati!)  
Sepo ya lifasi ni tabo ya Lihalimu;  
Libizo Lelinde, O kwa munati!  
Sepo ya lifasi ni tabo ya Lihalimu.

Cwale mañi ni mañi mutualime neku le cwale.

Ka—ka Libizo la Jesu lwa kubama,  
Luwa ka mañwele kwa mautu a Hae,  
Mulena wa malena mwa Lihalimu luka Mu  
apesa mushukwe,  
Fo musipili wa luna ufela.

Libizo Lelinde, (Libizo lelinde!) O kwa  
munati! (O kwa munati!)  
Sepo ya lifasi ni tabo ya Lihalimu;  
Libizo Lelinde, (Libizo lelinde!) Oh kwa  
munati!  
Sepo ya lifasi ni tabo . . . ( . . . ? . . . )

<sup>191</sup> Cwale halunze luinamisa litoho zaluna ku Mulena Jesu. Ibile nyakalalo yetuna, mukiti omutuna, mukiti wa pentekota fa Linzwi ni lika za Mulimu, fa Moya o Kenile wa Hae. Lu bata kulapela limbuyoti za Mulimu fahalimwa mizwale ba luna ba bulumiwa babaya mwa simu cwale, mi Mulimu a ba akufise cwalo. Lwa mifa sepi; lu ka mi lapelela, muzwale, ni kezeli. Basali ba bona, balatiwa ba bona, munahane se ba sweli kufita ku sona basali bani. Na ziba, ka musala ka luli.

<sup>192</sup> Kwa balisana kwanu, Muzwale Jackson, ni—ni Na sepa Muzwale Beeler uteni kwa mulaho kwani, ni babañwi babañata ba balisana. Teddy kwa mulaho kwanu, mukutazi yomunyinyani. Babañwi babañata babali mo, lu lapela fela limbuyoti za Mulimu. Muzwale yomunyinyani mo, yazwa kwa keleke ya Mulimu, kuli lubone musihali woo. Lu lapela limbuyoti fahalimwa hae, mubuleli, Na lumela ku cwalo. Nji cwani, muzwale? Ki wena mañi libizo? [Muzwale uli, “Morgan.”—Mu.] Muzwale Morg- . . . [“Morgan.”] Morgan, Muzwale Morgan. Ki tabo fela kuba ni bona mo kaufela!

<sup>193</sup> Mi, cwale, halunze luinamisa litoho zaluna ku Yena, ni kutalima. Kuna ni muzwale yomunyinyani ya ishuwile ya yemi kwa mulaho wa muyaho. U hoholola koloi yenyinyani, Na utwisisa, mwahala naha kaufela. Buñata bwa bona ba mu ziba kuli “Mupolofita John.” Lu mu biza kuli “Muzwale John,” kulo kwanu. Ne ni banga ni likute kamita ku muuna yani. Kono, zazi leliñwi Ne ni ilo potela balikani baka babañwi, yani ki muzwale . . . Kezeli Jimmy O’Neal, kwani kwa Sellersburg. Yani ki mukwenyana Muzwale ni Kezeli Green. Bateni mo kakusasana cwana. Mi Muzwale John nali mwa lapa la bona, mi ba ni bulelela bunde bwa Mukreste. Mi ba ni fa bupilo bwa hae, ka sa na ba bulelezi, ni mwa na tezi mwahala miliko ye tata. Mi ubile ni nzila yetata. Mi lu ka mu kupa, kakusasana cwana, haiba uka lukulula kopano ye, ni kukupa mbuyoti ya hae ku Mulimu, fahalimwa kopano ye. Kana muka lu ezeza cwalo, Muzwale Johnny? Sina kaufela ha mu inamisa litoho za luna. Mi, Muzwale John, haiba uka lu lukulula mwa tapelo.



*JOSEFA UKATANA BAHULWANI BAHAE* LOZ56-1230

(Joseph Meeting His Brethren)

Liñusa le ka Muzwale William Marrion Branham, neli katalizwe lwa pili mwa Sikuwa la Sunda kakusasana, Ñulule 30, 1956, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)